

REFERAT AIA - Aningaasaqarnermut Inuussutissarsionermullu Ataatsimiititaq d. 28-04-2022

Mødedato Torsdag d. 28. april 2022 kl. 16:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Sanaartornermut kontup taaguutaanik allanngueq.....	6
Annertusisamik ingerlatsinermik kukkunersiuineq.....	10
Sunngiffimmi illuaqqat annerusut.....	13
Immikkut ittumik ataasiaannartumik imigassallersinnaanermut akuersissummik qinnuteqaat.....	16
Imigassanik aalakoornartulinnik nioqquteqarsinnaanermut akuersissummut type A-mik qinnuteqaat	19
Imigassanik aalakoornartulinnik sassaalliinissamut akuersissummut type B-mik qinnuteqaat.....	22
2023-mut missingersuusiornissamut maleruagassat.....	25
Kommunip ingerlatseqatigiiffiini ataatsimeersuarneq 2022.....	28
Tasiilami qimussertartut peqatigiiffiannut tapiissuteqarneq.....	32
Ukiumoortumik naatsorsuutit 2021 – kukkunersiuusunut nassiussineq.....	35
Paamiuni meeqqueriviup initaanik matoqqatitsinerup sivitsorneqarnissaa.....	38
2021-imi Nunaqarfinnut aningaasaliissutinit aningaasanik atorneqanngitsoortunik ukioq mannamut	40
Paamiuni meeqqueriviup initaanik matoqqatitsinerup sivitsorneqarnissaa.....	43
Atuartunut Suliatigut Pikkorilluinnartunut Pikkorissartarfik.....	46
Kommunimut pilersaarummut tapiliussap 2A3-2 Manngua akuersissutigineqarnera.....	50
Pingaarnertut aalajangersakkat 2D1 Nuussuup kujammut nuua, Nuuk akuersissutigineqarneri.....	54
Sanaartornermut naatsorsuutit kukkunersiuikkat saqqummiunneqarneri.....	57
Kommunimut pilersaarummut tapiliussamut Siunnersuut 3E5-5 Nuuk Airport.....	61
Kommunimut pilersaarummut tapiliussassatut siunnersuut 4E5-2 Isuliffik Killeq, Nuuk.....	64
Nuummi kalaaliaratoqqamik (B-3875) tunisineq.....	67
Lukket.....	71
Lukket.....	72
Lukket.....	73
Tamalaat.....	74
Imaqarniliap akuerineqarnera.....	75

Punkt .: Saqqaa

Ilaasortat

Charlotte Ludvigsen (IA) *siulittaasoq*

Juaaka Lyberth (IA)

Uju Petersen (IA)

Justus Hansen (D)

Ken Madsen (N)

Inga Dóra G. Markussen (S)

Dorthe-Marie Mogensen-Fontain (S)

Beslutning

Ataatsimeeqataasut::

Charlotte Ludvigsen (IA)

Juaaka Lyberth (IA)

Uju Petersen (IA)

Inga Dora G. Markussen (S)

Attaveqaatitigut peqataasut:

Justus Hansen (D)

Ken Madsen (N)

Dorthe-Marie Mogensen-Fontain (S)

Punkt .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput, imatut Siumumit ikinnerussuteqartutut oqaaseqaatitalerlugu:

Piffissaq kingulleq atorlugu oqaluuserisassani immikkoortoq 2-mi allannguisoqarsimammat immikkoortoq 2 Siumumit akuerineqanngilaq.

Punkt .: Nalunaarutit

Beslutning

Siulittaasumit nalunaarutit:

- 20. aprili Borgmesterip ”UNLEASH ’s Innovation Lab” Kalaallit Nunaanni aggustimi ingerlanneqarnissaanut killiffik pillugu UNLEASHimit pilersaarusiornermut aqutsisoq ataatsimeeqatigaa. Ilaatigut nalunaarutigineqarpoq, inuusuttut Kalaallit Nunaanneersut Nunanilu avannarlerneersut qassit peqataaniarlutik nalunaarsimanersut, suleqatigisat allat suleqatiginerisa killiffiat, aaqqissuussiniarlutik nalunaartut aammalu aaqqissuussinissap tungaanut maannamiit suut pilersaarutaanersut nalunaarutigineqarput. Tassunga atatillugu Borgmesteri videoliortitsivoq, aaqqissuussinissamullu inuusuttut peqataanissaannut kaammattorlugit.
- Ulloq 26. aprili Borgmesteri siunissami nammineq kajumissuseq tunngavigalugu suleqataasarneq pillugu Isumaginninnermut Aqutsisoqarfiup isumasioqatigiissitsinerani peqataavoq. Pingaarnertut anguniagassaalluni meeqqanut tunngasuni nammineq kajumissutsimik suleqataasarnissami atugassarititaasunik pitsanngorsaanaissaq.
- FoodLab
Innovation Greenland FoodLab-imik pilersitsinissamut tunngatillugu ajoraluartumik tunuarpoq. Ajoraluartumik nutaaliorfimmi Food-Labimik pilersitsinissaq akisuunaartussanngorpoq. Sermersooq Business pilersaarutip allatut aaqqissuunnissaa pillugu sulissuteqarpoq, taavalu Food-Lab-ip inissimaffissaanik nutaamik ujartuilluni. Pilersaarutit nutaat aningaasaqarnermut inuussutissarsiornermullu ataatsimiititap tulliani ataatsimiinnissaanut saqqummiunneqarumaarput.
- Inoqarfiit pillugit ataatsimeersuarnissaq septembarip 7ianut aamma 8-nut kinguartinneqarpoq.

Punkt 1: Sanaartornermut kontup taaguutaanik allanngueq

Beslutning

Ilisimatitsissut tusaatissatut tiguneqarpoq.



Sanaartornermut kontup taaguutaanik allanngueq

Sanaartornermut kontup taaguutaanik allanngueq pillugu ilisimatitsissut

Ilisimatitsissut

SagsID.: EMN-2022-01734

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- sanaartornermut kontup taaguutaanik allanngueq pillugu ilisimatitsissut tusaatissatut tiguneqassasoq (pilersaarutip normuata 160107-001-ip taaguutaa "Illut BSU-t iluarsartuunnissaannut tapiissutit"-mit "Illut iluarsartuunnissaannut tapiissutit taarsigassallu"-mut allanngortinneqassasoq)

Suliamik saqqummiussineq

Pisortaniit taarsigassarsianut atatillugu sanaartornermut kontunik marlunnik pilersitsisoqarpoq.

Kontup aappaa tulluuttunut pisortaniit taarsigassarsinermit atugassiaavoq:

- nammineq pigalugit inissianik sanaartorneq
- piginneqatigiilluni inissianik sanaartorneq
- nammineq pigalugit inissianik iluarsartuussineq
- pensionisiallit illuinik iluarsartuussineq

Kontup aappaa "Illut BSU-t iluarsartuunnissaannut tapiissutit" illut BSU-t iluarsartuunnissaannut atugassiaavoq.

Kontumi "Illut BSU-t iluarsartuunnissaannut tapiissutit"-mi ukiut tamaasa 2 mio. koruuninik immikkoortitsisoqartarpoq, tassanilu 2021-mut aningaasaliissutit atornerqanngillat. Matumunnga taarsigassarsinissamut inatsimmi piumasaqaatit eqquutsinnissaata ajornakusoorpallaarsimaneri pissutaavoq.

Kontumi taaneqartumi aningaasaliissutit 2024-p tungaanut ilanngullugulu atornerqartussat tamakkerlutik atornerqareput.

Ingerlatsiviulli suli nammineq pigalugit inissianik pensionisiallillu illuinik iluarsartuussinissamut taarsigassanik ujartuineq annertusoq maluginiarpaa. Taamaattumik ingerlatsiviup aningaasaliissutit siammassinnerusumik atornissai kissaatigaa, taamaattumillu kontup taaguutaa taaguutaa imaalillugu allanngortippaa "Illut BSU-t iluarsartuunnissaannut tapiissutit"-mit "Illut iluarsartuunnissaannut tapiissutit taarsigassallu", taamaalilluni sanaartornermut kontup inatsimmi aalajangersakkat malillugit atornerqarfissaanut tamanut naapertuutissammat. Ataanittut sukumiinerusumik takukkit.

Massakkut taaguutaani aningaasaliissutit illunut BSU-nut qanganisaanerusunuinnaq atugassiaasutut nipeqartinneqarsinnaavoq. Taamaangilarli. Aningaasaliissutit ataatsimoortumik tapiissutinut ilaapput kommunillu aalajangigai aalajangersagaalu malillugit atornerqarsinnaallutik. Kommuninut ataatsimoortumik tapiissutit aalajangersimasumik atugassiaanngillat, kommuninillu nammineq aalajangigassaallutik.

Ingerlatsiviup sanaartornermut kontup tulluuttunut atornerqarsinnaanissaa kissaatigaa:

-

- Nutarterinermut aningaasartuutit tamakkiisut 40%-annut taarsigassiisoqarsinnaavoq, taamaattorli amerlanerpaamik 300.000 koruunit nalingannut. Taarsigassarsisup aningaasartuutit sinneruttut nammineq akilissavai.
- Taamatutaaq aningaasartuutit tamakkiisut 100%-iannut pensionisialinnut taarsigassiisoqarsinnaavoq, taamaattorli amerlanerpaamik 300.000 koruunit nalingannut. Aningaasartuutit 300.000 koruuninit amerlaneruppata, taarsigassarsisup sinneruttut matussusissavai.
- Kingullertut inoqutigiit ukiumoortumik isertittagaat akileraaruteqaataasussat 300.000 koruunit ataaniippata, ukiunut amerlanerpaamik 150.000 koruuninik tapiissuteqartoqarsinnaavoq. Aningaasartuutit 150.000 koruuninit amerlaneruppata tapiiffigineqartussap sinneruttut matussusissavai.

Inatsimmi aalajangersakkat

Illuliortiternernut aningaasalersuineq pillugu Inatsisartut inatsisaanni nr. 39, 23. november 2017-imeersumi allaqqavoq, inissianut (illut) piginnittunut tapiisoqarsinnaasoq aamma/imaluunniit taarsigassarsitsisoqarsinnaasoq allaqqavoq. Suliassa qarfik paragrafini tulliuttuni pingasuni malittarisassa qartinneqarpoq:

- ❑ § 13. Kommunalbestyrelsi inissiat pioreersut iluarsaannerinut, pitsanngorsarnerinut allilerneqarnerinullu tassani aningaasartuutit tamarmiusut 40 %-ii tikillugit taarsigassarsisitsinnaavoq taamaattorli annerpaamik 300.000 kr.-inik
- ❑ § 19. Soraarnermusialimmit inissiatut atorineqartunut aamma soraarnermusiaqartoq taassumalu aappariunnagaa marluullutik inissiamik kisimiillutik pigineqartumut inissiamik pioreersumik iluarsaassinermet kommunalbestyrelsi 300.000 kr.-it tikillugit taarsigassarsisitsinnaavoq
- ❑ § 24 a. Inissianut, inunnit ukiuni akileraarfiusuni kingullerni marlunni inunnit ukiumut 300.000 koruunit inorlugit isertitaqarsimasunit pigineqartunut, imaluunniit inunnit, ulloq manna tikillugu isertitarisimasaat apeqqutaatinnagit siunissami qanittumi inoqutigiinni ukiumut 300.000 koruunit inorlugit isertitaqartussatut naatsorsuutigineqartunit pigineqartunut annerpaamik 150.000 koruuninik inissiamik iluarsaassinermet, pitsanngorsaanermut imaluunniit alliliinermet kommunalbestyrelsi tapiissuteqarsinnaavoq

Sanaartornermut aningaasaliissutit

Siunertamut aningaasaliissutit ukiumut 2 mio. koruuniupput, pilersaarutillu normuani 160107-001-imiillutik. Illuliortiternernut aningaasalersuineq pillugu Inatsisartut inatsisaanni nr. 39, 23. november 2017-imeersumi § 13-imi, § 19-imi § 24-milu illut BSU-t kisimik eqqartorneqartut ersarissumik allaqqangimmat, pilersaarummut aningaasaliissutit taaguutai "Illut BSU-t iluarsartuunnissaannut tapiissutit"-mit "Illut iluarsartuunnissaannut tapiissutit taarsigassallu"-mut allanngortinneqarput.

§ 24b, imm. 4-imi allaqqavoq "Naalakkersuisut inissiamik iluarsaassinermet, pitsanngorsaanermut alliliiner mulluunniit maleruagassiorsinnaapput, taakkunungalu aqutsineq, aningasat tunniunneqarnerat suliassallu tapiiffigineqarsinnaatitaasut ilaatinneqarput."

Naalakkersuisut § 24b, imm. 1, nr. 4-imi tunngavigineqartoq atorlugu Tapiissutitalimmik illulianik iluarsaassinermet, pitsanngorsaanermut alliliiner mullu tapiisarneq pillugu Namminersorlutik Oqartussat nalunaarutaat nr. 42, 11. november 2020-meersoq nalunaarusiaraat. Nalunaarut



Inatsisartut inatsisaanni nr. 39, 23. november 2017-imeersumi aalajangersakkanut, § 24a malillugu tapiissusiinissami sullissinermut, atugassarititanut piumasaqaatinullu tunngatillugu ilassutaavoq, taarsigassiinerlu Inatsisartut inatsisaanni §§ 13 aamma 19 malillugit malittarisassaqaartinneqarluni.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatallit

- Illulioriternernut aningaasalersuineq pillugu Inatsisartut inatsisaat nr. 39, 23. november 2017-imeersoq
- Tapiissutitalimmik illulianik iluarsaassinermut, pitsanngorsaanerit alliliinermullu tapiisarneq pillugu Namminersorlutik Oqartussat nalunaarutaat nr. 42, 11. november 2020-meersoq

Siusinnerusukkat aalajangiinerit

Sanarfinermut Avatangiisinullu Ataatsimiititaq, 07.04.22:

Ilisimatitsissut tusaatissatut tiguneqarpoq, imatut ilassuteqaatitalerlugu:

Ataatsimiititaq isumaqarpoq illunut BSU-nut inatsisitigut piumasaqaatit sakkortuallaartut taamaattumillu amerlasuut tamanna pissutigalugu itigartinneqartartut. Taamaattumik ataatsimiititamit borgmesteri kaammattorneqarpoq tulliani Politikkikkut Ataqtigiissarisooqatigiit, borgmesterit allat peqatigalugit, naapinnissaanni ajornartorsiut taanna oqallisigissagaat.

Ilanngussat

Soqanngilaq.

Punkt 2: Annertusisamik ingerlatsinermik kukkunersiuneq

Beslutning

Oqaluuserisassaq tunuartinneqarpoq, immikkut ittumik ataatsimiinnermi sammineqarnissaa siunertaralugu.

Bilag

Annertusisamik ingerlatsinermik kukkunersiuneq



Annertusisamik ingerlatsinermik kukkunersiuineq

Ineqarnermut tunngasunik aqutsineq

Ilisimatitsissut

SagsID.: EMN-2022-03496

Suliffeqarfimmut Kiffartuussivik - kommunaldirektør Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititap ulloq 24. juuni 2021, Namminersorlutik Oqartussat kommuninik nakkutilliinerat kiisalu kommunip iluani misissuinerit arlallit tunngavigalugit, ineqarnermut tunngasut tamaasa pillugit, tamatumani Kommuneqarfik Sermersuup Iserit A/S-illu isumaqatigiissutaat ilanngullugit, ingerlatsinermik kukkunersiuisoqarnissaa aalajangerpaa.

Ingerlatsinermut kukkunersiuineq 2021-p naalernerani-2022-p aallartinnerani Deloittemit ingerlanneqarpoq, tassanilu suleriaatsimit suut ilikkagaqarfigineqarsinnaanersut qulaajaaffiginarlugu attartornermut-attartortitsinermut isumaqatigiissutit suliarineqartarnerat misissorneqarlutik - kiisalu siunissaq eqqarsaatigalugu kommunip iliuuserisinnaasaattut periarfissat qulaajarneqarlutik.

Ingerlatsinermik kukkunersiuineri ilanngunneqarput aamma inissianik assigiinngitsunut (kommunip inissiaatai nalinginnaasut - isumaginninnikkut inissiat, sulineri atillugu inissiat il.il.) atillugu allaffissornikkut suleriaatsinik misissuineq.

Naggataatigullu ingerlatsinermut kukkunersiuineri sanarfinermut tunngasuni aqutsinermut atillugu suleriaatsit toqqartukkat misissorneqarneranik imaqarpoq, tassunga ilanngullugit ineqarnermut tunngasuni nunaminertanik atugassiinerit kiisalu sanaartornissamat akuersissutit kiisalu pisortanit inissianut taarsigassarsinissamat aamma ineqarnermut tapiissutinut akuersissutit aqunneqarneri.

Nalunaarusiami, ilanngussatut ilanngunneqarsimasumi, ingerlatsinermut kukkunersiuineri inernerit eqikkaarneqarput.

Ingerlatsivimmit aningaasatigut sulisoqarnikkullu naliliinerit

Annertusisamik ingerlatsinermik kukkunersiuineq missingersuutitut 500.000 koruuninik artukkiivoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilangussat

1. Annertusisamik ingerlatsinermik kukkuniuineq

Punkt 3: Sunngiffimmi illuaqqat annerusut

Beslutning

Ilisimatitsissut tusaatissatut tiguneqarpoq.

Bilag

Innuttaasumit siunnersuut / Kommuneqarfiga



Sunngiffimmi illuaqqat annerusut

Innuttaasumit siunnersuut

Ilisimatitsissut

SagsID.: EMN-2022-02346

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Innuttaasumit siunnersuut 250-inillu taagorneqartoq Ingerlatsivimmit tiguneqarpoq. Kommuneqarfik Sermersuumi sunngiffimmi illuaraatilinnit kissaatigineqarpoq siunissami illuaqqat 60 m²-it tikillugit angissusillit sananeqarsinnaassasut, maannamut 40 m²-sut angissuseqarnissaannut taarsiullugu.

Ingerlatsivimmi 'Nunaannarmut pilersaarutip 2-2, Nuup eqqaani nunataq pillugu' suliarinerani aamma Kommuneqarfik Sermersuumut pilersaarut 2032 illuaqqat angissusissaat akuerisaasoq 40 m² allangortinneqanngilaq. Taarsiullugu atortuusivik, anneks imaluunniit qui illuaqqamut atatillugu nappaasoqarsinnaanera periarfissaatillugu, taannalu 15 m²-nik angissuseqarsinnaavoq. Ingerlatsivimmit erseqqissaatigineqarpoq illuaqqat katillugu 55 m²-sut angissusillit Kommuneqarfik Sermersuumi napparneqarsinnaasut.

Illuaqqanut ataasiakkaanut tunngatillugu angissusissaannik aalajangersaasoqarpoq, illuaqarfissatut atugassiissutit ilanngullugit, ataasiakkaanut pinngortitamiinnermik misiginissaq qulakkeerumallugu. Illuaqqiornissamut nunaminertamik qinnuteqaatit amerlasuut Ingerlatsivimmit tiguneqartarput, ingammik Nuup eqqaani, aammalu sukisaarsarfissatut naleqartitat pingaartinneqartariallit eqqumaffigineqarput. Nuup Kangerluaniikkaanni suli asimiinnermik misiginissaq periarfissaasariaqarpoq. Nunaannarmut pilersaarutip 2-2 suliarinera aallartinneqarpoq Akerput suli assigiinngitsunit, soorlu umiatsiarnerit, pisuttuarnerit, piniarneq allallu sukisaarsarnermik siunertat attanneqarsinnaaqullugit. Sumiiffimmut aalajangersakkat nutaat piffissamut sivisuumut nungusaataangitsumik atuinissamik pilersaarusiorneq qulakkeerutaassaaq, nunaannarmi kulturimik pinngortitamillu kingornussat, asiartarfittut pingaartitat aammalu assigiinngitsunik illuaraliortoqarnissaanut periarfissat eqqarsaatigalugit. Pilersaarutip akuersissutigineqarneranut atasumik nunaminertamik atugassiissuteqartarneq allangortinneqarpoq, taamaasilluni aalajangersakkat illuaqarfinnut tamanut atuupput. Assigiiartumik sulianik suliarinnittarnikkut tamanik sullissineq qulakkeerutaassaaq. Nunaannarmut pilersaarut 2-2 upernaami 2021 akuersissutigineqarpoq oqaasertalerlugu tikinneqaaqqissasoq ukiut marluk qaangiuppata. Taava imaappoq Ingerlatsivimmit upernaami 2023 nutarterneqarnissaa pilersaarutaasoq, tassungalu atatillugu illuaqqat assigiinngitsut angissusissaasa akuerisaasut misissorneqarnissaat innersuutigalugu. Tassani nunatsinni kommunit allat misilittagaat paasissutissallu aaneqarumaarput, tassunga naammagittaalliuitit imaluunniit illuaraatillit sanileriit illuaqqanut tunngasumik aaqqiagiinngissuteqarsimappata ilanngullugit.

Innuttaasumit siunnersuummut atatillugu ingerlatsivimmit nunatsinni kommunini allani qanoq periaaseqartoqarnerisooq misissorneqarsimavoq. Kommunimit kommunimut angissutsit akuerisaasut assigiinngiaarput, 80 m² angusinnaallugu. Kommuneqarfik Sermersoorli



kommuniuvoq assigineqanngitsumik nunaannarmut tunngatillugu killilersuinerpaajusoq, innuttaasut amerlassusiat pissutigalugu pissusissamisoortut isigineqartariaqartumik.

Innuttaasumit siunnersuut akuersaarneqassappat, kommunimut pilersaarut nutarterlugu suliarineqassaaq kommunimut pilersaarummut ilassutitalerlugu, taannalu tamanut tusarniaassutigineqassaaq. Tamanna tunngavigalugu Ingerlatsivimmit illuaqqat angissusissaat akuerisaasoq allanngortittariaqarnersoq pillugu uani ilanngullugu misissorneqarnissaa innersuutigineqarpoq

1. Kommunimut pilersaarummut tapiliussatut siunnersuut Nunaannarmut pilersaarut Nuup eqqaani nunataq aamma
2. kommunimut pilersaarutip, kommunimi nunaannaap sua'tungaa apeqqutaatillugu angissusit assigiinngisitaartut akuerisaasut qinnuteqaatigineqarsinnaanersut pillugit nutarterneqarnissaa.

Maannangaaq Ingerlatsivimmit ukioq manna pilersaarut nutarterlugu suliarinissaanut iliuserineqarsinnaasut piareersarneqalereerput. Makkuninnga imaqartussaq:

1. Nuup Kangerluani illuaqqanik annertusisamik nakkutilliineq
2. Soqutigisaqartunik peqataatitsineq, ilanngullugit Nunatta Katersugaasivia, Avatangiisinut Naalakkersuisoqarfik aamma takornarialerisut
3. Innuttaasunik ornigulluni ataatsimiititsinerit kiisalu toqqaannartumik internetsikkut akuutitsinerit

Ingerlatsivimmit aningaasatigut sulisoqarnikkullu naliliinerit

Kommunimut pilersaarummik nutarterineq tamanillu tusarniaaneq ingerlatsivimmi suliarineqarnissaa ukiup sisamararterutaanik ($\frac{1}{4}$) sivissususeqassaaq. Nunaannarmut pilersaarut 2 nutarterneqarnera, qulaani taaneqartut ilanngullugit ilimagineqarpoq suliarinerata ukiup pingajorarterutaanik ($\frac{3}{4}$) sivissususeqarnissaa.

Innuttaasunik akuutitsinissamut atasumik aningaasartuuteqartoqarnissaa naatsorsuutigineqassaaq, uani ilanngullugit angalanermut aningaasartuutit.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartatillit

- Pilersaarusionerit aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukut aalajangiinerit

Sanarfinermut Avatangiisinullu Ataatsimiititaq, 07.04.22:

Sanarfinermut Avatangiisinullu Ingerlatsivimmi Sanarfinermut Avatangiisinullu Ataatsimiititamut inassuteqaatigaa:

- illuaqqat angissusaasa akuerisaasut misissornissaat Nunaannarmut pilersaarummi 2023-mut nutarterinissamut ilanngunneqassasoq akuersissutigineqassasoq
- suliaq Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq.

Ilanngussat

1. Innuttaasumit siunnersuut / Kommuneqarfiga

Punkt 4: Immikkut ittumik ataasiaannartumik imigassallersinnaanermut akuersissummik qinnuteqaat

Beslutning

Inassuteqaat akuersissutigineqarpoq.

Bilag

Immikkut akuerisassanngorlugu qinnuteqaat

Immikkut ittumik ataasiaannartumik imigassallersinnaanermut akuersissummik qinnuteqaat

Aalajangiiffigisassaq

SagsID.: BOG-2019-03034-006

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamat inassuteqaatigaa:

- qinnuteqaat akuerineqassasoq

Suliassamik saqqummiussineq

Nilak Festival immikkut ittumik ataasiaannartumik imigassallersinnaanermut akuersissummik qinnuteqaammik tunniussaqqarpoq, tallimanngorneq juunip 3.-ani aammalu arfininngorneq juunip 4.-ani 2022 nal. 15:00-miit nal. 03:00-ip tungaanut atugassamik.

Kommuneqarfik Sermersuumi imigassaq pillugu qinnuteqarfissaq atuuttoq naapertorlugu ataasiaannartumik imigassallersinnaanermut akuersissutit taamaallaat nal.: 01:00 tikillugu tunniunneqarsinnaasut. Imigassaq pillugu inatsit naapertorlugu nal. 03:00 tikillugu immikkut ittumik ataasiaannartumik imigassallersinnaanermut akuersissuteqartoqarsinnaavoq.

Taamanikkornissaanut naalakkersuisut killilersuutininik pilersitsisimassappata, tamakku malinneqarnissaat piumasarineqarpoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaatitalit

- Imigassaq pillugu Inatsisartut Inatsisaat nr. 35, 23. november 2017-imeersoq
- Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq (Inuusuttut imigassanik aalakoornartulinnik sassaalliteqartarfinni piffissami qaqugu isersimasinnaanerannik allanngortitsineq, niuertarfinni nioqquteqarnermut piffissat ammaffiusartut sivitsorneqarnerat, imigassanik aalakoornartortalinnik ussasaarinerimik inerteqqutip atorunnaarsinneqarnera; imigassat aalakoornartortalit niuertarfinni assiaqusersorneqarnissaannik atorunnaarsitsineq aamma inuit sassaalliteqartarfinni isersimanissaannik inerteqquteqarfigineqarsimasut pillugit paasissutissanik ingerlatitseqqinnissamat periarfissaliissut)



Ilanngussat

1. Immikkut akuerisassanngorlugu qinnuteqaat
2. Ingerlariaatsimik piareersaassaq

Punkt 5: Imigassanik aalakoornartulinnik nioqquteqarsinnaanermut akuersissummut type A-mik qinnuteqaat

Beslutning

Inassuteqaat akuersissutigineqarpoq.

Bilag

Tjeklisti

Alkoholpolitikki

Forretningsplani

Akissuteqaat Politiet i Grønland-miit

Meeqqanut Ilaqutariinnullu Ingerlatsivimmiit akissuteqaat

Meeqqanut Atuarfeqarnermullu Ingerlatsivimmiit akissuteqaat

Sanarfinermut Avatagiisinnullu Ingerlatsivimmiit akissuteqaat

Imigassanik aalakoornartulinnik nioqquteqarsinnaanermut akuersissummut type A-mik qinnuteqaat

Aalajangiiffigisassaq

SagsID.: EMN-2022-03321

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititadamut inassuteqaatigaa:

- Brugseni Nuukullak, Jes Nyborg, Jagtvej 12, B 4272, 3900 Nuuk, imigassanik aalakoornartulinnik nioqquteqarnisamut akuersissut type A pillugu qinnuteqaat akuersissutigineqassasoq

Suliassamik saqqummiussineq

Suliffeqarfimmut Kiffartuussivimmit Brugseni Nuukullaq, Jagtvej 12, B 4272, 3900 Nuuk Jes Nyborg-mit imigassamik aalakoornartortalimmik type A-mik imigassanik aalakoornartulinnik nioqquteqarsinnaanermut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasissutissat tamarnik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik, Meeqqanut Atuarfeqarnermullu Ingerlatsivik, aammalu Sanarfinermut Avatagiisinnnullu Ingerlatsivik tamannalu oqaaseqaateqarfigineqarsimanngilaq.

Suliffeqarfimmut Kiffartuussivimmit Brugseni Nuukullak imigassanik aalakoornartortalimmik nioqquteqarsinnaanermut akuersissummik type A-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqrifiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat

akuersissutiniq peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaataitallit

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aqqissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulik Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

Ilangussat

1. Tjeklisti
2. Alkoholpolitikki
3. Forretningsplani
4. Akissuteqaat Politiet i Grønland-miit
5. Meeqqanut Ilaqutariinnullu Ingerlatsivimmiit akissuteqaat
6. Meeqqanut Atuarfeqarnermullu Ingerlatsivimmiit akissuteqaat
7. Sanarfinermut Avatagiisinnnullu Ingerlatsivimmiit akissuteqaat

Punkt 6: Imigassanik aalakoornartulinnik sassaallinissamut akuersissummut type B-mik qinnuteqaat

Beslutning

Inassuteqaat akuersissutigineqarpoq.

Bilag

Tjeklisti

Alkoholpolitikki

Forretningsplani

Akissuteqaat Politiet i Grønland-miit

Meeqqanut Ilaqutariinnullu Ingerlatsivimmiit akissuteqaat

Meeqqanut Atuarfeqarnermullu Ingerlatsivimmiit akissuteqaat

Sanarfinermut Avatagiisinnullu Ingerlatsivimmiit akissuteqaat

Jørgen Wæver Johansen-ip Ataatsimiititamut saaffiginnissutaa

Imigassanik aalakoornartulinnik sassaalliinissamut akuersissummut type B-mik qinnuteqaat

Aalajangiiffigisassaq

SagsID.: EMN-2022-03322

Suliffeqarfimmut Kiffartuussivik - kommunaldirektør Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamut inassuteqaatigaa:

- Kaffivik ApS, Jørgen Wæver Johansen, Nuukullaq 35, ini 7, 3900 Nuuk, imigassanik aalakoornartulinnik sassaalliinissamut akuersissut type B pillugu qinnuteqaat akuersissutigineqassasoq

Suliassamik saqqummiussineq

Suliffeqarfimmut Kiffartuussivimmit Kaffivik ApS, Nuukullaq 35, ini 7, 3900 Nuuk Jørgen Wæver Johansen-mit imigassamik aalakoornartortalimmik type B-mik imigassanik aalakoornartulinnik sassaalliinissamut qinnuteqaat tiguneqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasissutissat tamarnik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingerlatsivik, Meeqqanut Atuarfeqarnermullu Ingerlatsivik, aammalu Sanarfinermut Avatagiisinnullu Ingerlatsivik tamannalu oqaaseqaateqarfigineqarsimanngilaq.

Suliffeqarfimmut Kiffartuussivimmit Kaffivik ApS imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttusanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermit tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq

Sulialli ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat

akuersissutiniq peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Inatsisartut Inatsisaat nr. 35, 23. november 2017-imeersoq
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq
- o Inuit imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- o Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- o Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersornerullutik Oqartussat nalunaarutaat nr. 4, 4. marsi 2011-meersoq
- o Imigassaq pillugu politikki, Kommuneqarfik Sermersooq, oktobari 2020

Siusinnerusukkut aalajangiinerit

Aningaasaqarnermut Inussutissarsiuinullu Ataatsimiititaq, 17.03.22:

Paasissutissat killeqarneri peqqutigalugit, oqaluuserisassaq ataatsimiinnissamut tullermut kinguartinneqarpoq, tamatumani qulaajaanissaq aamma siunertaralugu.

Ilangussat

1. Tjeklisti
2. Alkoholpolitikki
3. Forretningsplani
4. Akissuteqaat Politiet i Grønland-miit
5. Meeqqanut Ilaqutariinnullu Ingerlatsivimmiit akissuteqaat
6. Meeqqanut Atuarfeqarnermullu Ingerlatsivimmiit akissuteqaat
7. Sanarfinermut Avatagiisinnullu Ingerlatsivimmiit akissuteqaat
8. Jørgen Wæver Johansen-ip Ataatsimiititamut saaffiginnissutaa

Punkt 7: 2023-mut missingersuusiornissamut maleruagassat

Beslutning

Inassuteqaatit tamarmik amerlanerussuteqartunit akuersissutigineqarput.

Siumumit inassuteqaatini siullermi immikkoortoq 3 akuersissutigineqanngilaq, kissaatigineqarlunilu 300 mio.koruuninut allanngortinneqasasoq. Taamatuttaaq inassuteqaatini siullermi immikkoortoq 7 Siumumit akuersissutigineqanngilaq.

Bilag

2023-mut missingersuusiornissamut maleruagassat

2023-mut missingersuusiornissamut maleruagassat

Aalajangiiffigisassaq

SagsID.: EMN-2021-11436

Suliffeqarfimmum Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmum Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- 2023-mut missingersuutinut missingersuusiornermut maleruagassat akuerineqassasut, 2023-mut Kommunip missingersuutinut tunngavii ilanngullugit aamma ukiuni tulliuuttuni missingersuutit imaalissasut:
 1. ukiumi missingersuusiorfiusuni ataasiakkaani sinneqartoorutit minnerpaamik 100 mio.kr.-ussapput.
 2. kommunimut akileraarutip procentia ukiut siulii assigalugit, 26%-iussasoq aalajangerneqarpoq
 3. sanaartornermut ikinnerpaamik 250 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilernerqartassapput
 4. ukiut missingersuusiorfiusut siullianni sanaartornermut missingersuutit 90 procentiisa sinneri kisimik atorneqarsinnaapput, ukiut missingersuusiorfiusut aappaanni 80 procentii, ukiut missingersuusiorfiusut pingajuanni 70 procentii taavalu ukiut missingersuusiorfiusut sisamaanni 60 procentii.
 5. ukiumi missingersuusiorfiusumi ukiumi naatsorsuusiorfiusup naanerani aningaasat tigorianaat ilanngaattissat ilanngaatigereerlugit aamma ukiumi missingersuusiorfiusumi sanaartornermut aningaasaliissutit inernerisa 6%-iisa amerlaqatigissavaat
 6. aningaasaliissutit qaffasissuilerneqarnerat kontunut pilersaarummi nutaami aningaasaliissuteqartarnermi anguniagassatut qaffasissuseq 3-miippoq, ullorlu 01.01.2018-imi atuutilersimasoq
 7. akissarsiaqartitsinermi immikkut pituttorsimasoqanngilaq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Kommunip Ingerlatsinerumut Aningaasaqarnermullu Aqutsinerumut Najooqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttuni missingersuutit suliarineranni aningaasaliissutigineqartussanik aalajangersaaffiusumik.

Missingersuutit 2023-mut suliarineqarnissaannut missingersuusiornissamut maleruagassaq matumuuna Aningaasaqarnermut Inuussutissarsiornermullu Ataatsimiititumut akuersissutigineqarnissaanut saqqummiunneqarpoq.

Missingersuusiornermut malittarisassani missingersuusiornermi tunngaviit 7-it assersuusiarineqarput, ataatsimut kommunip pitsaasumik aningaasaqarneranut qulakkerinneqataasinnaasut. Taamatut ilionnikkut aningaasarsiornermi ingerlanerliorneq aningaasaqarnikkut pisariaqartumik pissaqarluarnissaq kommunimit qulakkeerneqassaaq.

Aammattaaq missingersuusiortarneq pillugu malittarisassani missingersuusiortarneq qulakkeerniarlugu politikikkut piffissaliussaq aalajangersagaavoq. Taamaattumik piffissami

juunimiit novembarimut missingersuutit peqqissaarullugit politikerinit suliarineqarnissaat piffissaqarfigilluarnissaa pingaartinneqarpoq.

Ingerlatsivimmit aningaasatigut sulisoqarnikkullu naliliinerit

2023-mut missingersuusiornermut atatillugu suliasat pingaarnertut kommunip nammineq sulisuinit suliarineqassapput.

Suliffeqarfimmut Kiffartuussivimmit aningaasatigut naliliineq

Aningaasaqarnermut Allatseqarfiup missingersuusiornissamut maleruaqqusat tamakkiisutut isigai.

Taamaattumillu inngersuussutigalugu maleruaqqusat akuersissutigineqassasut, akuersissutigisassanngorlugillu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaataatit

Kommunip missingersuusiortarneranut maleruagassat malittarisassallu makkuninnga tunngaveqarput:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr 26, 28. november 2016-imeersoq.
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunerisuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq,

Kommunip missingersuusiortarneranut najoqqutarineqartut makkuninnga tunngaveqarput:

- Kommuneqarfik Sermersuumi Kommunalbestyrelsimi Aqutsinermi lleqqoreqqusaq
- Kommuneqarfik Sermersuumut piginnaatitsinermik agguataarinissamut pilersaarut
- Ingerlatsinermut Aningaasaqarnermillu Aqutsinermut Najoqqutassiaq Aningaasaqarnermillu aqutsineq

Ilanngussat

1. 2023-mut missingersuusiornissamut maleruagassat

Punkt 8: Kommunip ingerlatseqatigiiffiini ataatsimeersuarneq 2022

Beslutning

Inassuteqaat amerlanersussuteqartunit akuersissutigineqarpoq (IA, N, D).

Siumumit Iseritsimi siulersuisutut innersuunneqartut itigartitsissutigineqarput.

Bilag

Kommuneqarfik Sermersuumi ingerlatsileqatigiiffiit 2021 ukiumoortumik nassuiaataat

Kommunip ingerlatseqatigiiffiini siulersuisuni 2022-mi ilaasortassatut innersuunneqartut

Iserit A/S-imi siulersuisut piginnaasaannut najoqqutassiaq

Nuup Bussiini siulersuisut piginnaasaannut najoqqutassiaq

NCD-mi siulersuisut piginnaasaannut najoqqutassiaq

Iserit A/S-imi siulersuisunut ilaasortat piginnaasassarisaat

Nuup Bussiini siulersuisunut ilaasortat piginnaasassarisaat

NCD-mi siulersuisunut ilaasortat piginnaasassarisaat

Ukiumoortumik nalunaarusiatut siunnersuut Iserit A/S

Ukiumoortumik nalunaarusiaq Nuup Bussii

Ukiumoortumik nalunaarusiaq Nuuk Imeq

Allakkiaq - 2021-mi siulersuisut naliliineri



Kommunip ingerlatseqatigiiffiini ataatsimeersuarneq 2022

Kommunip ingerlatseqatigiiffiitut siulersuisunut ilaasortat killiffii ilaasortassatullu innersuussutit

Aalajangiiffigisassaq

SagsID: EMN-2022-02412

Suliffeqarfimmi Kiffartuussineq - kommunaldirektør Ole Jakobsen / OJAK

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititامت inassuteqaatigaa:

- Kommunip ingerlatseqatigiiffiisa killiffiat pillugu ilisimatitsissut tusaatissatut tiguneqassasoq, tak. ilanngussaq 1 "Kommuneqarfik Sermersuumi ingerlatsileqatigiiffiit 2022 ukiumoortumik nassuiaataat"
- Kommunip ingerlatseqatigiiffiini siulersuisuni ilaasortassatut innersuunneqartuniit toqqaasoqassasoq, innersuussutigalugu Ilanngussaq 2; "kommunip Ingerlatseqatigiiffiini ilaasortassanik innersuussineq 2022"

Suliassamik saqqummiussineq

Kommunip ingerlatseqatigiiffimminut Nuup Bussii A/S'imut, Iserit A/S'imut, Nuuk Imeq A/S'imut aamma Siorarsiorfik - Nuuk City Development A/S'imut" "Piginnittuunermut periaasissiaa" Kommunalbestyrelsimit u. 30 aggusti 2016-imi akuersissutigineqarsimasoq naapertorlugu, kommunip ingerlatseqatigiiffiitut piginnittuunermut akisussaaffik Aningaasaqarnermut Inuussutissarsiornermullu Ataatsimiititamiippoq, tassunga ilaalluni ingerlatseqatigiiffimmi siulersuisuni ilaasortassanik ingerlatsivimmiit innersuussuteqartoqareerneratigut toqqaasarnermut pisinnaatitsissut.

Kommunip ingerlatseqatigiiffii Nuuk Imeq A/S, Iserit A/S, Nuup Bussii A/S aamma kommunip ilaannakuusumik ingerlatseqatigiiffiutaa Esani A/S 2022-mi maajimi ataatsimeersuassapput. Tamassuma pinnginnerani ingerlatseqatigiiffiit ukiut siuliini suliaannut pingaarnerusumik nassuiaat siulersuisunilu ilaasortassatut innersuussutit Suliffeqarfimmut Kiffartuussiviup matumuuna tunniuppai.

NCD ataatsimeersuarnissaminik aammalu ukiumoortumik nalunaarusiap tunniunnissaata kinguartinnissai qinnuteqaatiginikummagu, matumani naatsorsuutit kisitsisinik pingaarnernik imaluunniit NCD-mi ukiumut suliarineqartut nassuiaatitaannik imaqangillat.

Aningaasaqarnermut Inuussutissarsiornermullu Ataatsimiititami februaarip 3-anni 2022-mi ataatsimiinnermi aalajangerneqarpoq, kommunip ingerlatseqatigiiffiini piginnittuunermut periusissiamik nutaamik allaffeqarfik suliaqassasoq. Piginnittuunermut periusissiamik nutaamik suliaqarneq ingerlatseqatigiiffiit ukiumoortumik ataatsimeersuarnissaat sioqqullugu angumeqqunneqarsinnaangilaq. Suliffeqarfimmi Kiffartuussivimmit tamanna pillugu nalilerneqarpoq, ataatsimeersuarnerit pereerpata piginnittuunermut periusissiamik nutaamik suliaqarneq aallartinneqassasoq.

Ingerlatseqatigiiffiit 2021-mi suliaat pillugit nassuiaat

Ingerlatseqatigiiffiit suliaat paasisaqarfiginerujumagaanni innersuussutigineqassaaq, ilanngussaq 1 "Kommuneqarfik Sermersuumi ingerlatsileqatigiiffiit 2021 ukiumoortumik nassuiaataat" imaluunniit ingerlatseqatigiiffinnut ataasiakkaanut tunngasut ilanngussat.



Ingerlatseqatigiiffiit 2021-mi angusaat naammaginatutut Ingerlatsivimmit nalilerneqarput. Nuup Bussii Covid-19 pissutigalugu killilersuuteqartoqarneranik patsiseqartumik amigartoorfiuvoq, nalinginnaasumiit annikinnerujussuarmik angallassinermi pingaartumillu attartorneqarluni angallassinermi kaaviaartitat annikillissimapput, tassami umiarsuarnik takornariartaatinik 2020-mi tikittoqanngilaq.

Nuup Bussii, Iserit aamma ESANI pissarsianik tunniussisoqanngilaq, taamatullu kissaateqarneq kommunimit akuerineqarpoq, ingerlatseqatigiiffiit kommunip suliaasaannik naammassinninnissaat iluanaaruteqarnissamit pingaernerutinneqarmat.

Nuuk Imeq-mit iluanaarutit tunniunneqartut 20,3 mio. koruunit miss. isertitaqarfigineqarput

Siulersuisuni ilaasortanik toqqaasarneq

Kommunip ingerlatseqatigiiffiini siulersuisuni ilaasortat ukiumi ataatsimi ilaasortaasarput. Siulittaasussarsiorneq ataatsimeersuarnermi pisarpoq.

Suliffeqarfimmi Kiffartuussivik CV-nik paasissutissiivimmik pilersitsinikuuvoq, kikkulluunniit soqutiginnittut tassunga nalunaarsinnaallutik. Ilaasortanngortussat CV-at paasissutissaasivimmut ikkunneqarput ingerlatsivimmit qaaqquusineq aamma ullormut tusagassiuutitigut saqqummertartuni aamma Facebookikkut eqqartorneqarlutillu nalunaarutigineqarneri tunngavigalugit.

Ingerlatseqatigiiffinni siulersuisuni ilaasortat piginnaasassarisaannik erseqqissaaneq pissaaq, sakkussatut suliaq Pluss Leadership atorlugu, taannalu siulersuisut ataatsimut isigalugit piginnaasassanik aamma kinaassutsimik erseqqissaanermik siunertaqartumik ineriartortitsisoqarnikuuvoq. Kommunip ingerlatseqatigiiffiini pingasuni siulersuni siulittaasut piginnaasassarisaannik najoqqutassat allaffeqarfimmit ilanngunneqarput (ilanngussat 3-5 innersuussutigalugit). Kommune Nuuk Imeq A/S-imi aamma ESANI A/S-imi ikinnerusunik aktieteqarnera pillugu siulersuisut piginnaasaannut najoqqutassiamik suliaqartoqanngilaq.

Kommunip CV-nik paasissutissiiviani piukkunnartunik ilaasortassarsiornermi ingerlatseqatigiiffinni siulersuisuni ilaasortatut piginnaasassanut najoqqutassaq aallaavigalugu ilaasortanngorsinnaasunik nalilersuisarpoq (ilanngussaq 6 "nalilersuinermi skema").

Suliffeqarfimmi Kiffartuussivik ingerlatseqatigiiffinni pingasuni 2021-mi siulersuisunik nalilersuinermik suliaqarnikuuvoq. Siulersuisunik nalilersuinerup ukioq allortarlugi pisarnissaa naatsorsuutigineqarpoq. Tulliani 2023-mi pissaaq. Siulersuisuni ilaasortaasinnaasunik nalilersuinerup pinnginnerani Inuussutissarsiornermut pisortaq Emil Skjervedalip Nuup Bussiini, Iserimmi aamma NCD-mi siulersuisuni siulittaasunik killiffik pillugu oqaloqatiginnippoq. Oqaloqatiginninnermi eqqartorneqarlutik, siulersuisuni suleqatigiinneq aamma piginnaasatigut piumasaaqatitigullu naleqqussaasoqassanersoq. Ingerlatseqatigiiffiit pingasut tamarmik nalilerneqarput, suleqatigiinneq ingerlalluarfiusoq aamma 2021-mut sanilliullugu piginnaasassatigut pisariaqartinneqartut allanngorsimangitsut. Siulersuisut tamarmik immikkut ilaasortanik piginnaanngorsaaneermik suliaqarnikuupput.

Siulersuisut ingerlalluarmata Suliffeqarfimmi Kiffartuussiviup nalilerpaa, siulersuisut katitigaanerannik allannguivallaartoqannginnerani piginnittuunermet periusissamik nutaamik suliaqarnissaq utaqqisinneqarnissaa naleqquttuunerpaassasoq.

Nalilersuinermi skema kiisalu siulersuisuni siulittaasunik killiffik pillugu oqaloqatiginninnerit taamaalilluni ilaasortassanik ingerlatsivimmit inassuteqaasiornermi tunngaviupput (ilanngussaq 2 innersuussutigalugu).



Ingerlatsivimmit aningaasatigut sulisoqarnikkullu naliliinerit

Ingerlatseqatigiiffiit 2021-mi suliaat pillugit nassuiaat innersuussutigalugu.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommuneqarfik Sermersuup "Piginnittuunermut Periaasissaq".
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq.

Ilanngussat

1. Kommuneqarfik Sermersuumi ingerlatsileqatigiiffiit 2021 ukiumoortumik nassuiaataat
2. Kommunip ingerlatseqatigiiffiini siulersuisuni 2022-mi ilaasortassatut innersuunneqartut
3. Iserit A/S-imi siulersuisut piginnaasaannut najoqqutassiaq
4. Nuup Bussiini siulersuisut piginnaasaannut najoqqutassiaq
5. NCD-mi siulersuisut piginnaasaannut najoqqutassiaq
6. Iserit A/S-imi siulersuisunut ilaasortat piginnaasassarisaat
7. Nuup Bussiini siulersuisunut ilaasortat piginnaasassarisaat
8. NCD-mi siulersuisunut ilaasortat piginnaasassarisaat
9. Ukiumoortumik nalunaarusiatut siunnersuut Iserit A/S
10. Ukiumoortumik nalunaarusiaq Nuup Bussii
11. Ukiumoortumik nalunaarusiaq Nuuk Imeq
12. Ukiumoortumik nalunaarusiaq ESANI
13. Allakkiaq - 2021-mi siulersuisut naliliineri

Punkt 9: Tasiilami qimussertartut peqatigiiffiannut tapiissuteqarneq

Beslutning

Ataatsimiititap aalajangernera: Ukioq maannamut ataasiaannartumik aningaasaliinissaq 50.000 koruunit ataatsimiititami akuersissutigineqarpoq, maannamut 2023-muunngitsoq aamma 2024-muunngitsoq.

Qimussertartut peqatigiiffiat aappaagu kommunimiit tapiiffigineqarnissamut qinnuteqassappat, piffissaalluartillugu qinnuteqassasoq piunasaqarfigineqarpoq. Peqatigiiffiup qinnuteqaasiornissaa aamma paasissutissanik pisarialinnik pissarsinissaq eqqarsaatigalugit Kultureqarnermut Immikkoortortaq ikiutissaaq. Tamanna missingersuutit pillugit isumaqatigiissusiortoqalerpat ilanngunneqassaaq.



Tasiilami qimussertartut peqatigiiffiannut tapiissuteqarneq

Ukiut 2022-2024

Aalajangiiffigisassaq

SagsID.: EMN-2022-02431

Suliffeqarfimmi Kiffartuussineq - kommunaldirektør Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititumut inassuteqaatigaa:

- Kalaallit Nunaanni Qimussertartut Kattuffiat-ni qimussertartut peqatigiiffiat ukiuni 2022, 2023 aamma 2024 ukiumut 50.000 kr.-nik tapiiffigineqarnissaa akuersissutigineqassasoq

Suliassamik saqqummiussineq

Allaffeqarfiup Kalaallit Nunaanni Qimussertartut Kattuffiat-nit (KNQK) Tasiilami qimussertartut peqatigiiffiata ukiumut 150.000 kr.-nik tapiiffigineqarnissamik qinnuteqaataa tiguaa. KNQK sammisaminnut aningaasanik pissarsiorpoq, ukiumoortumik qimussimik sukkaniutsitsinissaq Kangiata Qimussersuata ingerlanneqarnissaa tassani ilaavoq. Qinnuteqaat sukkaniunnerup ingerlanneqannginnerani piffissaagallartillugu tiguneqarpoq.

Allaffeqarfik naliliivoq qinnuteqaat Kommuneqarfik Sermersuup kulturimut tapiissuteqarnissamut piunarsaqaataanik naammassinnittoq, pissutigalugu:

- matumani Kommuneqarfik Sermersuumi peqatigiiffik pineqarmat
- qimussimik sukkaniunneq kulturimik attassiinnarnissamut ilaammat
- sammineqartoq Tasiilami innuttaasunut nukittorsaaqataammat

Aningaasaqarnermut Inuussutissarsionermullu Ataatsimiititaq ukiuni 2019-2021 KNQK-mut ukiut tamaasa 50.000 kr.-nik aningaasaliissuteqartarpoq.

Peqatigiiffik naak ukiumut 150.000 kr.-nik qinnuteqarsimagaluartoq, allaffeqarfiup inassuteqaatigivaa, Kommuneqarfik Sermersooq ukiuni 2022, 2023 aamma 2024 ukiumut 50.000 kr.-nik tapiissuteqassasoq. Allaffeqarfiup tunngavilersuutigivaa peqatigiiffiup 2019-imili sammisartagai allannguuteqarsimannginnerat. Peqatigiiffiup qaffasinnerusumik tapiissuteqartoqarnissaa pillugu tunngavilersuutigivaa, peqatigiiffik isumaqarmat annertunerusumik pisariaqartitsisoqartoq.

Ingerlatsivimmit aningaasatigut sulisoqarnikkullu naliliinerit

Aningaasaqarnermut Inuussutissarsionermullu Ataatsimiititap inassuteqaat malissappagu, suliaq aningaasaliissutitigut kinguneqassanngilaq. Tamanna kommunip kulturimut tapiissuteqarnissamut immikkoortitaasa piffissami 2019-2021-mi aningaasartuutigineqartut assigiinnerannik pissuteqarpoq.

Aningaasaqarnermut Inuussutissarsionermullu Ataatsimiititaq KNQK-mut annertunerusumik tapiissuteqassappat, suliaq Kommunalbestyrelsimut ingerlateqqinneqassaaq ilassutitut aningaasaliissutinngorlugu.

Suliffeqarfimmut Kiffartuussivimmit aningaasatigut naliliineq

Annerusumik oqaaseqaatitassaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumi kultureqarnermut tapiissuteqartarneq pillugu malittarisassat
- Kommuneqarfik Sermersuumi 2022-mi missingersuutit



Ilanngussat
Soqanngilaq.

Punkt 10: Ukiumoortumik naatsorsuutit 2021 – kukkunersiuisunut nassiussineq

Beslutning

Inassuteqaat amerlanerussuteqartunit akuersissutigineqarpoq (IA, N, D).

Siumut oqaluuserisassaq Kommunalbestyrelsimi sammineqalerpat oqaluuserisassaq aatsaat isummerfiginiarpaat.

Bilag

2021-mut naatsorsuutit, aningaasaliissutinit atuinerit nassuiaatillu ilanngullugit

Ukiumoortumik naatsorsuutit 2021 – kukkunersiuisunut nassiussineq

Aalajangiiffigisassaq

SagsID.: EMN-2022-03450

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- 2021-mi ukiumoortumik naatsorsuutit kukkunersiuisunut ingerlateqqinneqassasut
- suliaq aalajangiiffigisassatut Kommunalbestyrelsimut ingerlateqqinneqassasoq

Suliassamik saqqummiussineq

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersoq naapertorlugu Aningaasaqarnermut Inuussutissarsiornermullu Ataatsimiititaq naatsorsuutiniq Kommunalbestyrelsimut saqqummiussisassaaq, tassangaanniillu ukiumoortumik naatsorsuutit kukkunersiuisunut ingerlateqqinneqassapput.

Tulliullugu kukkunersiuisut ukiumut naatsorsuutiniq misissuissapput oqaaseqaatiminnillu inerniliinerminnillu saqqummiussillutik. Taamaaliortoqareerpat inaarutaasumik 2021-mut naatsorsuutit suliarineqassapput, taakkualu kukkunersiuisut nalunaarusiaat ilanngullugu kommunimut ingerlateqqinneqassapput inaarutaasumik akuerisassanngorlugit.

Taamaattumik Suliffeqarfimmut Kiffartuussivimmit 2021-mut naatsorsuutiniq missingiut politikikkut suliassanngorlugu akuerisassanngorlugulu nassiunneqarpoq, kingornatigut kukkunersiuisunut nassiunneqarnissaa siunertaralugu.

Nalunaarusiaagallartoq maannakkut suliarineqarpoq, ataatsimiitamilu piffissami aggersumi politikikkut suliarineqarnissaanut saqqummiunneqassalluni. Naatsorsuutit kisitsisitaat suliamut tassunga tunngasut saqqummiunneqartut ukiumoortumik nalunaarusiami oqaaseqatigiussapput, taakkulu aamma kommunimi politikikkut ataatsimiititap aqutsisutut nalunaarusiaanik kiisalu ingerlatsinerimut sanaartornermullu aningaasaliissutit atorineqarsimasut pillugit naatsorsuutiniq nassuiaatinik imaqqassapput.

Ingerlatsivimmit aningaasatigut sulisoqarnikkullu naliliinerit

2021-mut naatsorsuutiniq takuneqarsinnaavoq ataatsimut katillugit 70,4 mio. kr.-nik sinneqartooruteqartoqartoq, taavalu nammineq aningaasaatit 2077,6 mio. kr.-nik amerlassuseqartut. 2021-p ingerlanerani karsimiittuutiniq atuingaatsiarnerup kingunerivaa, kommune 2021-p naajartornerani 28,7 mio. kr.-nik amigartooruteqarneranik.

Tassunga tunngatillugu naatsorsuutit kisitsisitaat ilanngussaq 1-imiittut aamma innersuussutigineqarput, tassaasut:

- Aningaasaliissutiniq atuneq 2021, ingerlatsineq
- Aningaasaliissutiniq atuneq 2021, sanaartorneq
- 2021-mut naatsorsuutiniq nassuiaatit

Suliffeqarfimmut Kiffartuussivimmit aningaasatigut naliliineq

Aningaasaqarnermut allatseqarfiup naatsorsuutit eqqortuusutut isigivai.

Taamaattumik naatsorsuutit Aningaasaqarnermut Inuussutissarsiornermullu Ataatsimiititamut saqqummiunneqassasut innersuussutigineqarpoq aamma kukkuneriusunullu nassiunneqarnissaat siunertaralugu Kommunalbestyrelsimut ingerlateqqinneqassasut.

Inatsisitigut tunngavissaq allakkallu tunngaviusumik uppersaataatit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Ilanngussat

1. 2021-mut naatsorsuutit, aningaasaliissutinit atuinerit nassuiaatillu ilanngullugit

Punkt 11: Paamiuni meeqqeriviup initaanik matoqqatitsinerup sivitsorneqarnissaa

Beslutning

Inassuteqaat akuersissutigineqarpoq.

Bilag

Angalaneq pillugu nalunaarussiaq

Aningaasaqarnermut Inuussutissarsiornermullu Ataatsimiititap angalanera pillugu nalunaarussiaq

Paamiut, marsi 2021

Aalajangiiffigisassaq

SagsID: EMN-2022-03228

Suliffeqarfimmi Kiffartuussineq - kommunaldirektør Ole Jakobsen/ OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- angalanermit nalunaarussiaq akuersissutigineqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititap ulluni 17. - 22. marsi Paamiunut angalavoq.

Angalanermit siunertarineqarpoq Paamiuni inuussutissarsiornermut aamma inuussutissarsiornermi periarfissat annerusumik paasisaqarfiginissaat kiisalu Inuussutissarsiorneq pillugu siunnersuisooqatigiinnik aamma illoqarfimmi innuttaasunik naapitsinissaq.

Aningaasaqarnermut Inuussutissarsiornermullu Ataatsimiititami peqataapput Borgmesteri Charlotte Ludvigsen (siulittaasoq), Uju Petersen (ilaasortaq), Justus Hansen (ilaasortaq), aamma Dorthe-Marie Mogensen-Fontain (ilaasortaq). Aammattaaq allaffeqarfimmit peqataapput Heidi Jeremiassen (immikkoortumi pisortaq), Ernst Bo Frederiksen (attaveqatigiinnermi sulisoq) aamma Pernille Kristensen (oqalutsi).

Ataatsimiititap suliffeqarfimmut assigiinngitsunut pulaartarpoq, ilaatigut Atuarfik "Tuiisq" ukiuni 50-inngortorsiorluni illumik ammatitsineranut atatillugu peqataavoq. Ataatsimiititap ileqquusumik ataatsimiippoq Inuussutissarsiornerlu pillugu siunnersuisooqatigiinnik ataatsimeeqateqarluni. Innuttaasut inuussutissarsiornermut tunngasut qitiutillugit aamma ataatsimeeqatigineqarput.

Aningaasaqarnermut Inuussutissarsiornermullu Ataatsimiititap angalanermiinnit paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2022-mi ataatsimiititap angalanissaannut katillugit 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- o Ataatsimiititap suleriaasia

Ilanngussat

1. Angalaneq pillugu nalunaarussiaq

**Punkt 12: 2021-imi Nunaqarfinnut aningaasaliissutinit aningaasanik
atorneqanngitsoortunik ukioq mannamut 2022-mut nuussinissamut
Nunaqarfinni aqutsisut qinnuteqaataat**

Beslutning

Inassuteqaat akuersissutigineqarpoq.

2021-imi Nunaqarfinnut aningaasaliissutinit aningaasanik atorneqanngitsoortunik ukioq mannmut 2022-mut nuussinissamut Nunaqarfinni Aqutsisut qinnuteqaataat

Aalajangiiffigisassaq

SagsID.: EMN-2022-03398

Suliffeqarfinnut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfinnut Kiffartuussiviup Aningaasaqarnermut Inuussutissarsiornermullu Ataatsimiititamat inassutigaa:

- ukioq kingulleq 2021-imi Nunaqarfinnut aningaasaliissutinit aningaasanik atorneqanngitsoortunik ukioq mannmut 2022-mut nuussinissamut Nunaqarfinni aqutsisut qinnuteqaataat akuersissutigineqassasoq

Suliassamik saqqummiussineq

Kommuneqarfik Sermersuumi Kommunalbestyrelsi Nunaqarfinmilu Aqutsisut akornanni politikikkut suleqatigiinnissamut isumaqatigiissut 2021-2025 najoqqutaralugu, ukiup siuliini Nunaqarfinnut aningaasaliissutaasut atorneqanngitsut annerpaamik aningaasaliissutit tamarmiusut affai (50%) nuunneqarnissaannut Nunaqarfinni Aqutsisunit qinnutigineqarsinnaapput.

Politikkikkut suleqatigiinnissamut isumaqatigiissummi allannguut malillugu nunaqarfinnut aningaasaliissutit atorneqarnissaannut siunnersuutit pitsaassusaat aammalu siunertamikkut akuersissutigineqarnissaat Aningaasaqarnermut Inuussutissarsiornermullu Ataatsimiititami akuerissutigineqarnatik ingerlatsivimmit imaluunniit immikkoortortani aqutsisunit qulakkeerneqartassapput. Aningaasaqarnermut Inuussutissarsiornermullu Ataatsimiititap taamaallaat sinaakkutit aningaasaliissutit akuersissutigisassavaat, tamannalu pereerpat Nunaqarfinni aqutsisut nunaqarfinnut aningaasaliissutit atorneqarnissaannut siunnersuutit ingerlatsivinnut imaluunniit immikkoortortani aqutsisunit siunnersuutit pitsaassutsikkut qulakkeerneqarnissaat aammalu siunertatigut akuersissutigineqarnissaat siunertaralugu nassiussisassapput.

Kommunalbestyrelsi ukioq 2021-mut Nunaqarfinnut aningaasaliissutinut 2.400.000 koruunit immikkoortinneqarsimapput taakkunanilu aningaasaliissutit atunngitsuukkat 1.0055.282 koruunit missingersuutini ukioq 2021-mit 2022-mut nuussinissamut qinnuteqarput.

Aningaasat atunngitsuukkat ataani allaqqasut 2021-mit 2022-mut nuunneqarnissaat qinnutigineqarput:

Nunaqarfinni aqutsisut	2021-mi aningaasaliissutit	Atuineq	Nuussinissamut qinnutigineqartut
Kulusuk, Tiilerilaaq og Isertoq	734.500 kr.	417.800 kr.	316.700 kr.
Kuummiit og Sermiligaq	879.000 kr.	523.559 kr.	355.441 kr.
Qeqertarsuatsiaat og Kapisillit	508.050 kr.	264.134 kr.	243.916 kr.
Arsuk (*)	278.450 kr.	65.554 kr.	(*)139.225 kr.
I alt	2.400.000 kr.	1.271.047 kr.	1.055.282 kr.

Nunaqarfinni aqutsisut atuisimanertik pillugu imatut oqaaseqaateqarput:

Nunaqarfinni aqutsisut Kulusuk, Tiilerilaaq aamma Isertoq oqaaseqaataat: Aningaasat amerlanerit atorneqarpiangillat Covid-19 killilersuisitsinera peqqutaalluni, innuttaasunut ataatsimoortitsinerit annikinnerummata. Pisarneq malillugu aqqissuunneqartartut pilersaarut malillugu aqqissuunneqarput. Teknik, drift suliassat annikimmata aningaasat tamakkerlugit atorneqangillat. Sulisussaaleqineq peqqutaalluni orsumik piaaneq tamakkiisumik atorneqangilaq, aningaasanik atuinissamut killilersuineq malunnaraluartoq aningaasat affaat atorneqarsimapput.

Nunaqarfinni aqutsisut Kuummiit og Sermiligaaq oqaaseqaataat: Aningaasat ilaat atorneqangillat Covid-19 killilersuisitsinera peqqutaalluni. Nunaqarfimmi majuartarfiliortoqarpoq, aningaasat kontoni amerlanerit atorneqarput, illunik qalipaaneq naammassineqangitsoorpoq STARK-imit akiliiniarneq ajornartorsiutaammat.

Nunaqarfinni aqutsisut Qeqertarsuatsiaat og Kapisillit oqaaseqaataat: Aqqissuussiinerit ingerlanneqangitsoorput Covid-19 killilersuisitsinera peqqutaalluni, taassumallu kingunerivaa aningaasat ilaat atorneqangitsoornerat. Ukioq manna inuussutissarsiornermut tapiissummik qinnuteqartoqangilaq. Sanasut Nunaqarfimmilu Aqutsisuni ilaasortap paatsooqatigiinnermi pisiassat nalornissutigineqarsimapput, pilersaarutillu piviusunngunngitsoorlutik.

Nunaqarfinni aqutsisut Arsuk oqaaseqaataat: Innuttaasunik ataatsimoortitsinerit amerlanngitsut ingerlanneqarsimapput, pilersaarutaasimagaluarpoq amerlanerusunik Innuttaasunik ataatsimoortitsinissaq Covid-19 killilersuisitsinera peqqutaalluni. Taamaattorli ukiortaasiorneq, inuiattut ullorsiorneq ullukinneriornerlu ingerlanneqarsimapput. Sumiiffiit assigiinngitsut pingasut qalipaaffigineqarsimapput iliveqarfimmilu ungalut qalipanngitsoorlutik piareerqarput. Arsaattarfimmut nutaamik natersuarmik inniminniisoqarpoq Suffillu tungaanut issiavinnik nerrivinnillu pilersitsisoqarpoq. Naasupiluuaasoqarpoq tassanilu 100 tiimit missaa suliffissaqartitsinerit atorneqarsimallutik.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi Kommunalbestyrelsi Nunaqarfimmilu Aqutsisut akornanni politikikkut suleqatigiinnissamut isumaqatigiissut 2021-2025 najoqqutaralugu, ukiup siuliini Nunaqarfinnut aningaasaliissutaasut atorneqangitsut annerpaamik aningaasaliissutit tamarmiusut affai nuunneqarnissaannut Nunaqarfimmi Aqutsisunit qinnutigineqarsinnaapput.

Suliffeqarfimmut Kiffartuussivimmit aningaasatigut naliliineq

Suliffeqarfimmi Kiffartuussiviup Kommunalbestyrelsi Nunaqarfimmilu Aqutsisut akornanni politikikkut suleqatigiinnissamut isumaqatigiissut 2021-2025 malillugu aningaasat atunngitsuukkat 2021-mit 2022-mut nuunneqarnissaat innersuussutigivaat.

Inatsisitigut tunngavissaq allakkallu tunngaviusumik uppersaatitallit

- Kommuneqarfik Sermersuumi Kommunalbestyrelsi aamma Nunaqarfinni Aqutsisut politikikkut suleqatigiinnissamik isumaqatigiissutaataa
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat
Soqanngilaq.

Punkt 13: Paamiuni meeqqeriviup initaanik matoqqatitsinerup sivitsorneqarnissaa

Beslutning

Inassuteqaat akuersissutigineqarpoq.



Paamiuni meeqqeriviup initaanik matoqqatitsinerup sivitsorneqarnissaa

Aalajangiiffigisassaq

SagsID.: EMN-2022-02527

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- matoqqatitsinerup sivitsorneqarnissaa akuerineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Meeqqerivik Mike Paamiuniittoq meeqqanut 3-niit 6-nik ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. 2021-mi aggustimi Kommunalbestyrelse meeqqerivimmi ininik matusigallarnissaq pillugu aalajangiivoq, meeqqat nalunaarsimasut 43-t kisimik nalunaarsimmata. Imatut aaqqiissuteqartoqarallarpoq, piffissami 1/9 - 31/12 2021-mut meeqqat 3-t aamma 6-it akornanni ukiullit 51-it inissaqartinneqarlutik. Meeqqat ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerat sulisunut 12-inut appartinneqassaaq, aqutsisoq ilanngullugu.

Decembarimi 2021-mi nalilersuinermi kommunip perorsaanermik siunnersortai Paamiuni meeqqeriviit marluk suleqatigalugit paasivaat meeqqat Mike-mi allatsissimasut marsip tungaanut 49-50-iussasut. Tamanna Winformatikkimmi paasissutissanik tunuliaquteqarpoq aamma aqutsisut Paamiunut Paamiuniillu nuuttartut pillugit ilisimasaannit. Taamaattumik marsi 2022 ilanngullugu matoqqatitsinerup sivitsorneqarnissaa aalajangiunneqarpoq.

Ukioq manna marsip naanerani ingerlatsivimmit Paamiuni meeqqat amerlassusiat appariatoqqilersimasoq paasineqarpoq. Meeqqerivimmut utaqqisunut allattorsimaffimmiittoqanngilaq aamma inissamik qulakkeerineq periarfissaavoq naak illoqarfimmut nuuttuqaluaaraanniluunniit.

Suliasaqarfimmi perorsaanermi siunnersorti isumasioqatigalugu aamma Winformatik ikiortigalugu inerniliissutigineqarpoq ataatsimut isigalugu meeqqat 14-it meeqqerivimmiit AKO-mut aasaru nuussasut. Meeqqat 12-it meeraaqqerivimmiit meeqqerivik Mike-mut nuussapput. Taamaattumik Mike-mi inip ammaqinneqarnissaa suli pisariaqartinneqanngilaq, taamaattumillu meeqqanut 51-inut amerlassuseqartinneqarnissaanik sivitsuinissaq innersuussutigineqarpoq. Paamiuni meeqqerivimmi inissanik amerlanerusunik pisariaqartitsisoqaaqqilerpat Ingerlatsiviup taamanikkussamut inip atoqqilerneqarnissaa siunnersuutigiumaarpaa.

Ingerlatsivimmit aningaasatigut sulisoqarnikkullu naliliinerit

Qaammatit tamaasa inip matoqqatinneqarnerani qaammammut 65.000 kr.-it missaanniittut sipaarutigineqarsinnaapput taakkulu isumaqatigiissutit atuuttut malillugit sulisut pingasut naligivai.

Akiliutigineqartunit annaasat 5.000 – 10.000 kr.-it missaanniissapput, meeqqat amerlassusiat aamma aki suna tunngaviunersoq apeqqutaatillugu, akiliutigineqartartoq isertitat malillugit annertussusilerneqartarmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatitallit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- Kalaallit Nunaanni ulluunerani aamma ulloq unnuarlu paaqqinniffinni perorsaasutut sulisut pillugit Kalaallit Nunaanni Naalakkersuisut aamma Nunatsinni Perorsaasut Kattuffiata akornanni ulloq 6. marsi 2021-mi isumaqatigiissutaat
- Ilinniarsimasut ilinniarsimanngitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma Sulinermik Inuussutissarsiuteqartut Kattuffiata isumaqatigiissutaat 2. decembari 2019-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiiititaq, 06.04.22:
Inassuteqaat akuersissutigineqarpoq.

Ilanngussaq

Soqanngilaq.

Punkt 14: Atuartunut Suliatigut Pikkorilluinnartunut Pikkorissartarfik

Beslutning

Inassuteqaat akuersissutigineqarpoq.

Bilag

Kommuneqarfik Sermersuumi atuarfinni atuartut fagini pikkorilluinnartut pillugit suliniutinik misissuineq

Atuartunut fagini pikkorilluinnartunut pikkorissarfiup allaaserineqarnera

Atuartunut Suliatigut Pikkorilluinnartunut Pikkorissartarfik

Aalajangiiffigisassaq

SagsID.: EMN-2020-30098

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- atuartunut suliatigut pikkorilluinnartunut pikkorissartarfiup ilusilerneqarnera akuerineqassasoq
- Ukioq manna atuarfimmi ataatsimi misiliutitut suliniummik aallartitsisoqarnissaa akuersissutigineqassasoq
- suliaq Kommunalbestyrelsimut aalajangiiffigisassanngorlugu ingerlateqqinneqassasoq

Suliassamik saqqummiussineq

2021-mut missingersuutit isumaqatiginninniutigineqarmata politikikkut kissaatigineqarpoq Kommuneqarfik Sermersuumi neqeroorutit, atuartitsinerup nalinginnaasup saniatigut kommunimi meeqqat atuarfiini tamani atuartunut suliatigut pikkorilluinnartunut, assigiiartut pilersinneqarnissaat.

Meeqqanut Atuarfeqarnermullu Ingerlatsivik tamanna tunngavigalugu siunnersuusiorpoq, kommunimi illoqarfinni atuarfintut arfineq-pingasunut atuartunut suliatigut pikkorilluinnartunut pikkorissartarfimmik immikkut ittumik pilersitsinissamut periarfissiisumik. Atuartut suliatigut pikkorilluinnartut matumani pineqartut tassaapput, atuartitsissutit iluani fagimi ataatsimi arlalinniluunniit immikkut pikkoriffillit, taakkulu pikkoriffiisa eqeersaavigineqarnerisigut nukittorsaavigineqarnerisigullu, kajumissuseqarlutillu piumassusillit, immikkut iliuuseqarnermikkut/periarfissinneqarnermikkulluunniit fagini ingerlalluarnissaminnik periarfissinneqarsinnaasut. Fagini pikkoriffik tassaasinnaavoq atuagarsoneq, assassornikkut pikkorissuuneq pilersitsisinnaassuseqarnerlu.

Tunngaviusumik illoqarfiit atuarfiini pikkorissaaviliortoqarnissaanik innersuussisoqarnera pissuteqarpoq, nukissaqarniarneq sulisoqarniarnerlu ataatsimut isigalugit nalilerneqarmat pikkorissaaviit taakkua illoqarfiit atuarfiinit akisussaaffigineqarnissaat naapertuunnerussasoq. Nunaqarfinni atuartut fagini pikkorilluinnartut taamaallutik periarfissinneqassapput taakku Nuummi Tasiilamiluunniit illoqarfiit atuarfiini angajullerni atuarnerminni pikkorissaavinni peqataanissaminnut. Nunaqarfiit atuarfiini pissutsit ataasiakkaat periarfissaqartitsippata, taava atuartunut suliatigut pikkorilluinnartunut pikkorissaavimmik tassani pilersitsisoqarsinnaavoq.

Matumani siunnersuummi, atuarfiup aqutsisui ataasiakkaat taakkuupput naliliisussat ukiumi atuarfiusumi tulliuuttumi atuartunut suliatigut pikkorilluinnartunut pikkorissaavimmik pilersitsinissamut pisariaqartitsisoqarnersoq. Ukiup atuarfiusup ingerlanerani akullerni aamma angajullerni atuartunut illoqarfiup aturfiani atuartunut immikkut holdiliortoqarsinnaavoq trinninit tamanit amerlanerpaamik 12-inut inissalimmik. Nunaqarfimmi aturfik holdiliornissamik kissaateqassappat, taava aturfimmi akullernut holdiliortoqarsinnaavoq amerlanerpaamik atuartunut 6-inut inissalimmik. Holdinut ataatsinut ilinniartitsisoq ataaseq attuumassuteqartinneqassaaq.

Atuarfiit ataasiakkaat sapinngisamik kiffaanngissuseqartinneqarnissaat, pikkorissaavinni perorsaanermut ilikkagaqarnissamullu tunngasut eqqarsaatigalugit, taakku najukkami pissutsinut



atuarfinnilu ataasiakkaani atuartut sullinneqartut periarfissinneqarnissaat atuarfeqarfinnut immikkoortoqarfimmit siunnersuutigineqartumi kissaatigineqarpoq. Pikkorissaaviit pillugit nassuiaasiornermi siunertarineqarpoq, pingaarnertut tunngavigineqartut aamma pikkorissaaviit sammisassanik ingerlatsinissaannut aaqqissuunneqarnissaannullu malittarisassat pituttuisut ikittuinnaat aalajangersarneqarnissaat. Taamaattorli atuarfiit pikkorissaavinni ingerlanneqareersunik atuarfinnut immikkoortoqarfik ingerlaavartumik malitseqartitsillunilu misissuisassaaq.

Pikkorissaavik siullermik misiliutaasumik suliniutitut atuarfimmi ataatsimi ingerlanneqarnissaa innersuussutigineqarpoq. Taanna tunngavigalugu misilittakkat pissarsiarineqarsinnaalissapput, siunissami neqeroorutip ilusaanut iluarsisuteqarnermut pitsanngorsaateqarnermulluunniit atorneqarsinnaasunik.

Atuarfinnut immikkoortoqarfiup siunnersuutaa atuarfinni aqutsisunut piffissami ulloq 9. marsimiit ulloq 23. marsimut 2022 tusarniaassutigineqartoq. Siunnersuummi iluseq imarisaaluunniit pillugit oqaaseqaateqartoqanngilaq.

Ingerlatsivimmit aningaasatigut sulisoqarnikkullu naliliinerit

Pikkorissaaviit ukiumi atuarfiusumi ataatsimi aningaasartuutigiumaagassaannik naatsorsuinermit pisariaqartinneqartut, tunngavissatut nassuiaammi imm. 10-mi nassuiarneqarput (ilangussaaq 2). Pikkorissaaviit ingerlanneqarnissaannut aningaasartuutaasussat tassaapput ilinniartitsisunut akissarsiat kiisalu ingerlatsineri aningaasartuutit allat matussuserneqarnissaannut aningaasat.

Ingerlatsivimmit, ataatsimut aningaasartuutit, neqeroorutip tamakkiisumik illoqarfiit atuarfiini tamani atorneqarnerani, ukiumi atuarfiusumi 479.562,50 kr.-nik naleqassasoq nalilerneqarpoq. Nunaqarfinni atuarfiit arfineq-pingasut tamarmik pikkorissaaviinik tamakkiisumik atuineq missiliuunneqarpoq ukiumi atuarfiusumi ataatsimi 215.760 kr.-nik annerpaamik naleqassasoq.

Taamaattumik Kommuneqarfik Sermersuumi tamarmik pikkorissaaviit tamakkiisumik atorneqarnerisigut ukiumi atuarfiusumi ataatsimi aningaasartuutit ataatsimut katillugit 695.322,50 kr.-qassaaq. Aningaasat taakku massakkut ingerlatsiviup missingersuutaani pigineqanngillat taamaattumillu 2023-mut missingersuutit isumaqatigiissutiginiarneqarnissaanut ilangunneqartussaapput.

Pikkorissaaviup misiliutaasumik suliniutitut illoqarfiup atuarfiani ataatsimi, atuartut peqataasinnaasut tamakkerlugit peqataaffigineqartumi, ukiumi atuarfiusumi ataatsimi ingerlanneqarnissaa katillugit 59.940 kr.-nik akeqassaaq. Misiliutaasumik suliniutigineqartumut aningaasartuutit missingersuutaareersut iluini akilerneqarsinnaavoq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaaitallit

- Kommuneqarfik Sermersuumi 2021-mut missingersuutit isumaqatiginninniutigineqarnerat

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 06.04.22:

Inassuteqaat akuersissutigineqarpoq ima ilassuteqaatitalerlugu:

Ukioq manna atuarfimmi ataatsimi misiliutitut suliniummik aallartitsisoqassaaq.

Suliassamik saqqummiussermi kalaallisut qulequtaq iluarsineqassaaq allanneqalerluni "suliaticigut", tassa oqaaseq "atuagarsornikkut" peerneqarluni.



Ilannussat

1. Kommuneqarfik Sermersuumi atuarfinni atuartut fagini pikkorilluinnartut pillugit suliniutinik misissuineq
2. Atuartunut fagini pikkorilluinnartunut pikkorissarfiup allaaserineqarnera

Punkt 15: Kommunitut pilersaarummut tapiliussap 2A3-2 Manngua akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 2A3, Manngua, Nuuk

Kommunimut pilersaarummut tapiliussap 2A3-2 Manngua akuersissutigineqarnera

Aalajangiiffigisassaq

SagsID.: ANL-2021-00010

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq 2A3-2, Manngua, Nuuk, akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 2A3-2 Manngua, Nuuk, matumuuna saqqummiunneqarpoq. Kommunimut pilersaarummut tapiliussaq siunnersuutitut sapaatip-akunnerini arfinilinni tamanut tusarniaassutigineqarpoq, piffissami 22. decembari 2021 - 02. februaari 2022. Piffissami tusarniaaffiusumi tusarniaanermut akissuteqaatit pingasut pissarsiarineqarput, taakkulu oqaaseqatigiinnik annikitsunik allannguuteqartitsinermik ataatsimillu tunngaviusumik allannguuteqartitsinermik kinguneqarput:

- Ineqarnermut Attaveqaasersuutinullu Naalakkersuisoqarfimmit uparuarneqarpoq, piginnittut peqatigiffiannut ataatsimoorullugit soqutigisanut isumagisassanut tunngatillugu, soorlu aputaajaasarneq, aserfallatsaaliuineq (tassunga ilanngullugu ukiuunerani aserfallatsaaliuineq), aqqusineeqqat, sanaartorfiunngitsut, aqquserngit isaarissat kiisalu biilit unittarfii immikkoortup ilaaniittut pillugit piumasaqaateqartoqassanngitsaq. Sanaartorfissaq pisortat suliffeqarfiutaannut atugassiissutigineqarsimasoq innersuussutigineqarpoq. Aaqqiissuteqarnerup kinguneraa sanatitsisoq ataatsimoorussamik soqutigisanut akisussaasuussasoq isumaginnittuullunilu.

Ilanngussaq 1 tusarniaassummut akissuteqaatinik suliarinninneq takuuk.

Kommunimut pilersaarummut tapiliussami immikkoortoq 2A3, inissiaqarfittut (A) atugassanngorlugu aalajangersarneqarpoq, tassaniissinnaappullu inissiat ammasut pukkitsullu (A1). Immikkoortup ilaani aamma suliffeqarfiit inissinneqarsinnaapput, taakku ingerlanneqarnermikkut immikkoortup najugaqarfittut atuunneranik allannguissanngippata.

Matumani kommunimut pilersaarummut tapiliussami, 2A3-2, Manngua, meeqqanut inuusuttunullu najugaqarfissamut sanaartorfissat marluk atugassiissutigineqarput. Najugaqarfik immikkoortup atorneqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq .

Matumani kommunimut pilersaarummut tapiliussami immikkualuttut marluk sanaartorfissanngortinneqarput:

- **Immikkuualuttup ilaa A** meeqqanut inuusuttunullu najugaqarfittut atugassanngortinneqarpoq
- **Immikkuualuttup ilaa B** inissianut kiisalu meeqqerivimmut atugassanngortinneqarpoq
- Immikkuualuttup ilaa A Nuussuup aqquusernganut atassusilerniarlugu inissiat tungaannut nutaamik aqqusiniliortoqassaaq

Sanaartukkat

Immikkoortup ilaani 2A3-mi sanaartoriaaseq attatiinnarneqassaaq, ilaqtariinnut ataatsinut illut, affarleriit uigulukuttullu tamaani nuna atuarlugu ipput naammaginartumillu ungasissuseqartut qaamaneqartitsippot immikkuualuttullu ilaani illunik assigiinngitsunik isikkiveqartitsillutik. Immikkoortup ilaata ammasuunera immikkoortunullu sukisaarsarfinnut atassuteqarnera taamaaginnarlunilu pitsaanerulersinneqassaaq, peqatigitillugulu immikkoortup ilaani sanaartoriaaseq isikkuilu ingerlateqqinneqarlutik. Inissiaqarfiup isikkuata allanngortinneqannginnissaa pingaartinneqarpoq, najugaqarfissaaq akornusersorneqarani peqatigitilluguli ataatsimoortumut ilaatinneqarnissaa, kiisalu immikkoortunut eqqaaniittunut sukisaarsarfiusunut atassuteqarnera ingerlateqqinneqarluni.

Sanaartorfissat

Immikkoortup ilaani 2A3-mi sanaartorfissat marluk atugassanngortinneqassapput, tulliuttumi erseqqinnerusumik nassuiarneqartut:

B1: sanaartorfissaaq nutaaq siunertanut suliffeqarfinnut atugassanngortinneqassaaq. Illu qalialernagu (1 plan) sananeqarsinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartingippagu toqqorsiveqarsinnaavoq.

B2: sanaartorfissaaq nutaaq siunertanut suliffeqarfinnut atugassanngortinneqassaaq. Illu qalialernagu (2 plan) sananeqarsinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartingippagu toqqorsiveqarsinnaavoq.

Illumut taassumalu silataanut ikaarsaarianermut nalinginnaasumik piumasaqartoqarpoq, nammineq inuttut tamallu angalaarsinnaanerat pisinnaaqqullugu, immikkoortup ilaata Nuussuup Mannguanut aqquataaginnarnissaa siunertarlugu.

Angallannermut tunngasut / aqquuserngit aqqusineeqqallu

Immikkoortup ilaa 2A3 Nuussuarmiippoq Mannguanullu inissianut aqqutikkut aqquteqarpoq taannalu Nuussuarmi aqqusinnermut pingaarnermut atavoq.

Pilersaarummi matumani inissiaqarfinnut aqqut nutaaq, immikkuualuttup ilaanik A-mik Nuussuup aqqutaanut attaviliisoq pilersinneqassaaq, immikkuualuttup ilaata B-p maannakkut inissiaqarfianut angallattut annikillisinriarlugit.

Immikkuualuttut A-p aamma B-p akornanni pisuinnarnut cykkilertunullu tunngatillugu ataqatigiissaarisqaarnissaa pingaartinneqarpoq kiisalu immikkoortup ilaata avatangiisinut atassuteqaataanut tunngatillugu.

Matumani Kommunimut pilersaarummut tapiliussassatut siunnersuutip 2A3-2 akuersissutigineqarneratigut 2A3-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Pilersaarutip suliarinera ingerlatsivimmi sulisup ataatsip ukiumut suliarisinnaasaata pingajorarterutaata missaannik artukkiisarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusionerit aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq (taamaallaat PILERSAARUMMIK QINNUTEQARTUNUT TUNNGATILLUGU)
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunitumut pilersaarummut tapiliusseq 2A3, Manngua, Nuuk
4. Aalajangersakkat pioreersut: <https://kp.sermersooq.gl/aalajangersaanermut-tunngassuteqartoq/inoqarfiit/nuuk/2a3-gl/>

Punkt 16: Pingaarnertut aalajangersakkt 2D1 Nuussuup kujammut nuua, Nuuk akuersissutigineqarneri

Beslutning

Inassuteqaat amerlanerussuteqartunit, IA aamma N, akuersissutigineqarpoq.

Inassutigineqartoq Siumumit aammalu Demokratinit itigartitsissutigineqarpoq. Sanarfinermut Avatangiisinullu Ataatsimiitami aalajangiinermi ikinnerussutigineqartutut oqaaseqaat attatiinnarneqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Aalajangersakkt pingaarnertit

Nunap assinga ilanngussaq



Pingaarnertut aalajangersakkt 2D1 Nuussuup kujammut nuua, Nuuk akuersissutigineqarneri

Aalajangiiffigisassaq

SagsID.: ANL-2021-00009

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- 2D1 Nuussuup kujammut nuuanut aalajangersakkt pingaarnertit akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup 2D1 Nuussuup kujammut Nuua, Nuuk pillugu aalajangersakkt matumuuna saqqummiuppai. Immikkoortup ilaa 2D1 sukumiisumik aalajangersaatnik pilersaarusionerqarnikuunngilaq.

Sanarfinermut Avatangiisinullu Ingerlatsivimmit immikkoortoq pingaarnertut D-tut atorineqassasoq nalilerneqarpoq. Kommunimut pilersaarut 2032 malillugu tulliuuttut atuupput:

"Immikkoortut sanaartorfigeqqusaanngitsut aamma sunngiffimmi atorulersuutitut immikkoortut sanaartorfiussanngillat, tassa immikkoortup atorineqarnissaanut ingerlanneqarnissaannut pisariaqartinneqartut kisimik tassaniissinnaapput. Tamannali aqquserngit, aqqusineeqqat, ledningit teknikikkullu atorulersuutit soorlu telemut, sumiissusersiuutit, teknikikkut nakkutilliissutit aamma ledninginut atorulersuutit pingaarnertut ilusissaaniittut ikkussuunnissaannut akornutaanngilaq kiisalu atorulersuutit annertunngitsut sumiiffiup atorineqarneranut pisariaqartut kiisalu sukisaarsarnermut siunertat."

Matumani aalajangersakkani pingaarnerni immikkoortumi inissamik sinneruttoqanngilaq, tamannalu pillugu immikkoortumi sanaartortoqarsinnaanngilaq. Sinerialli sinerlugu aquteeraliornissaq sulii periarfissaavoq.

Matumani pingaarnertut aalajangersakkt sapaatit akunnerini arfineq pingasuni piffissami 22.12-2021 – 16.02.2022-p tungaanut tamanut tusarniutigineqareerpoq. Piffissami tusarniaaffiusumi tusarniaanermut akissuteqaatit pingasut pissarsiarineqarput Allannortitsinissamik pissutissaqalersitsinngilaq.

Matumani aalajangersakkt pingaarnertit akuersissutigineqarnerisigut maannakkut pingaarnertut aalajangersakkt atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani ingerlatsivimmi ukiumik ataatsimik affarmillu sulinermik naliliit suliarinerat tiguneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat amerlanerussuteqartut, IA aamma N, akuersissutigigaat.

Inassutigineqartoq Siumumit itigartinneqarpoq, pissakinnerusunut immikkoortoqalernissaa tamatumani erumassutigineqarnera aamma inissaaleqineq pissutigalugit. Demokraatit Siumup oqaaseqaataanut isumaqataavoq, eqqaasitsissutigalugulu siusinnerusukkut Kommunalbestyrelsimit illoqarfiup eqiterneqarnissaanut pilersaarut akuerineqarnikuunera, taamaattumillu inassutigineqartoq itigartillugu.

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Aalajangersakkat pingaarnert
4. Nunap assinga ilanngussaq

Punkt 17: Sanaartornermut naatsorsuutit kukkuniarsiukkat saqqummiunneqarneri

Beslutning

Inassuteqaat amerlanerussuteqartunit, IA, N aamma D akuersissutigineqarpoq.

Inassutigineqartoq Siumumit itigartissutigineqarpoq. Sanarfinermut Avatangiisinullu Ataatsimiitami aalajangiinermi ikinnerussuteqartut oqaaseqaat attatiinnarneqarpoq.

Bilag

Sanaartukkanut naatsorsuutit kukkuniarsiuisut oqaaseqaataat ilanngullugit



Sanaartornermut naatsorsuutit kukkunersiukkat saqqummiunneqarneri

Kommunip Sanaartornermut naatsorsuutaasa akuersissutigineqarnerat

Aalajangiiffigisassaq

SagsID.: ANL-2021-00006

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- naatsorsuutit kukkunersiukkat ilanngussat akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiussineq

Sanaartukkanut naammassereersunut immikkut sanaartornermut naatsorsuusiortoqassaaq 2.000.000 kr.-it qaangerlugit aningaasartalinnut, taavalu sanaartukkat naammassereersut 2.000.000 kr.-it ataallugit aningaasartallit/atuiffiusimasut, ukiumoortumik nalunaarusiamut ilanngussatut nalunaarutigineqassapput, taannalu ilanngullugu akuersissutigineqassallutik.

Piffissami 2009-miit 2017-imut sanaartugassanut naammasseriikkanut atuinerunerit atuinikinnerunerilluunniit ukiuni sanaartugassat naammassineqarneranni karsimi uninngasuutinut inaarutaasumik naatsorsorneqareerput, taamaattumillu ukiuni missingersuusiorfinnut tulliuuttunut nuussisoqarnikuunngilaq.

Taakku tassaapput Sanaartugassanut naammasseriikkanut 2.000.000 koruunit ataallugit nalilinnut sanaartugassanut naatsorsuutit aamma Sanarfinermut Avatangiisinullu Ataatsimiititaq taakku naammassineqareersut ukiumullu naatsorsuutini oqaaseqarfigineqareersut pillugit ilisimatinneqarpoq. Naatsorsuutit ataasiakkaat innersuussutigineqarput, naatsorsuutinut ataasiakkaanut aningaasaliissutaasut malinneqarnissaannut atatillugu oqaaseqarfigineqassappata.



Konto	Anlæg	Ibrugtaget	Bevilling	forbrug	Merforbrug - Mindreforbrug +
70-00-62	Nedrivning af Blok A	2012	3.235.160,35	3.235.160,35	0,00
70-00-69	Køb af Brøndumhus (24 lejligheder)	2017	30.000.000,00	30.713.365,71	-713.365,71
71-20-04	Renovering af rådhuset	2016	23.825.000,00	23.860.669,74	-35.669,74
72-10-40	Kirkegård i Tasiilaq	2016	2.830.000,00	3.313.613,00	-483.613,00
72-10-68	Byforbedring Katuaq Park	2014	3.000.000,00	3.052.022,00	-52.022,00
72-10-70	Byforbedring Imaneq	2017	5.766.528,00	5.766.528,00	0,00
72-23-81	Projektering og anlægsopgaver i Qeqertarsuatsiaat	2017	15977000	15.213.863,09	763.136,91
72-30-61	Affaldscenter - personalefaciliteter	2015	8.820.000,00	8.779.122,27	40.877,73
74-20-65	Ejendom til boenhed Junges Hus	2016	3.918.000,00	3.917.216,20	783,80
74-20-66	Børnehjem i Nuuk	2016	7.782.000,00	7.561.855,69	220.144,31
74-20-69	Familiecenter i Tasiilaq	2017	4.822.283,96	4.820.404,00	1.879,96
75-00-02	Projekter vedr. Arctic Winter Games	2015	4.945.000,00	5.317.945,71	-372.945,71
75-00-04	Arctic Winter Games - Sportscenter	2016	12.749.000,00	15.386.175,08	-2.637.175,08
75-00-05	Arctic Winter Games - Biathlonbane	2016	4.558.000,00	1.695.111,27	2.862.888,73
75-10-10	Ny daginstitution i Tasiilaq	2015	39.000.000,00	40.321.837,00	-1.321.837,00
75-10-62	Daginstitution i Qinnqorput i Nuuk	2012	41.894.000,00	37.173.494,45	4.720.505,55
75-10-68	Ungdomsboliger i Nuuk	2017	32.554.000,00	32.576.096,00	-22.096,00
75-10-69	Modulbaseret skolebyggeri	2017	45.600.000,00	48.073.827,09	-2.473.827,09
75-40-68	Husflidsværksted B-88, Tasiilaq	2017	2.542.000,00	1.393.926,00	1.148.074,00
75-40-69	Puljerenovering af Katuaq	2018	20.000.000,00	8.710.455,00	11.289.545,00
76-00-04	Kloakrenovering Sinarsua til Salliarnaq	2013	4.478.491,00	4.478.491,00	0,00
76-00-05	Kloakrenovering Kuussuaq - Musikskolen - Hans Egedesvej	2015	3.468.773,00	3.468.773,00	0,00
76-00-05	Kloakrenovering Niels Hammekenip - Sanamut Aqqut	2017	941.760,00	941.760,00	0,00
77-00-02	Byggemodning i bygderne	2015	1.244.532,00	1.022.661,00	221.871,00
77-00-10	Byggemodning i Tasiilaq	2017	35.937.381,00	35.937.381,00	0,00
77-00-12	Byggemodning Tasiilaq - Hovedkloak sydlige bydel	2017	7.400.000,00	5.954.426,47	1.445.573,53
77-00-82	Kloakledning fra område A44 til område 4A7	2015	12.276.172,00	12.276.172,00	0,00

**Ingerlatsivimmit aningaasatigut sulisoqarnikkullu naliliinerit
Pisariaqanngilaq.**

Suliffeqarfimmut Kiffartuussivimmit aningaasatigut naliliineq

Pisortaqatigiit aggustimi 2018 ataatsimiinnerminni aqqeeqqinnissamut pilersaarut akuersissutigaa. Aqqeeqqinnissamut pilersaarutaasut ilagaat sanaartornermut naatsorsuutit amigaatigineqartut suliarineqarlutillu kommunalbestyrelsimut saqqummiunneqassasut. kommunalbestyrelsen. Sanaartornermut naatsorsuutit amigaataasut ataavartumik "arlalialunnguakkuutaarlugit" kommunalbestyrelsimut saqqummiunneqartassapput. Taamalilluni sanaartugassanut naammasseriikkanut 2.000.000 koruunit ataallugit nalilinnut naatsorsuutini amigaataasuni "arlalialunnguit" siulliit ilisimatitsissutigineqarput.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunerisuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-meersoq
- Karseqarnermut Naatsorsuuserinermullu maleruagassat – Kommuneqarfik Sermersooq

Siusinnerusukkat aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat amerlanerussuteqartut, IA, N aamma D, akuersissutigivaat.

Ikinnerussuteqartut Siumumit oqaaseqaat: Tamatuma massakut oqaluuserineqarnissaa apeqquserparput, suliallu akuersissutigineqarnissaa pillugu mianersorumalluta. Suliap ingerlatsinermik kukkunerisuiinerup naammassineqareerneratigut aatsaat suliarineqarnissaa Siumumit innersuussutigineqarpoq.

Ilanngussat

1. Sanaartukkanut naatsorsuutit kukkunerisuiisut oqaaseqaataat ilanngullugit

Punkt 18: Kommunimut pilersaarummut tapiliussamut Siunnersuut 3E5-5 Nuuk Airport

Beslutning

Inassuteqaat akuersissutigineqarpoq.

Bilag

Siunnersuut 3E5-5 Nuuk Airport



Kommunimut pilersaarummut tapiliussamut Siunnersuut 3E5-5 Nuuk Airport

Aalajangiiffigisassaq

SagsID.: EMN-2021-17073

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 3E5-5, Nuuk Airport, sapaatip-akunnerini 6-ni tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiussineq

Immikkoortup ilaanut 3E5 Nuuk Airport pillugu kommunimut pilersaarummut tapiliussamut nutaamut siunnersuut matumuuna politikikkut oqaluuserisassanngorlugu Sanarfinermut Avatangiisinullu Ingerlatsivimmit saqqummiunneqarpoq.

Nutaamik mittarfittaarnermut atatillugu ujaqkerivik pioreersoq pineqartup kitaatungaaniittoq matuneqassasoq siunnersuummi tunngavigineqarpoq. Tamanna silaannaap aalarulunnera pissutigalugu mittarfimmik akuersissummik piginnittumit, tassa KAIR-imit, piumasaqaatigineqarpoq. Taamaammatt ujaqkerivittut ingerlatsisumut sumiiffimmik nutaamik ujartuinissaq pingaaruteqarsimavoq, tassami sanaartortunut tamanna pingaaruteqarluinnarmat.

Kommunimut pilersaarummut tapiliussamut siunnersuut una atorlugu mittarfiup kangianut ujaqkerivik inissinneqassasoq siunnersuutigineqarpoq, immikkoortoq pineqartoq mittarfissap ujaqqanik nussuiffigineqarnissaanut atatillugu qaartiteriffiuvoq. Taamaalilluni ujaqkerivik nutaaq atorlugu mittarfiup sanaartorneqarneranut qaartiterineq nangingneqassaaq portussusaa mittarfimmut aqquserngup portussusaaq assigiilerniassammat. Taamaalilluni mittarfimmut siunertaqartumik siunissami atuinissamut pisariaqartitsisoqartillugu periarfissiisoqassaaq.

Mittarfiup kangiatungaani sulineq silaannarmik aalarulutsitsinani ingerlanneqarsinnaasoq KAIR-imiit akuerineqarpoq. Taamaattoq isumannaallisaaneq eqqarsaatigalugu qaartitsinerit mittarfimmik akuersissummik piginnittut suleqatigalugit akuerineqaaqqaarlutillu pilersaarusiorneqassapput.

Immikkuualuttup ilaani B-mi allaffeqarfissamut nutaamut sanaartorfissamik ataatsimik allamik atugassiisoqassaaq.

Siunnersuut tamanut tusarniaassutigineqassaaq sap. ak. 6-ini.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamut siunnersuutip suliarinera ukiumut sulineri piffissap atukkap 15 %-iata missaaniippoq missingersuutinilu atuuttuni qaangiinani atuiffiusinnaalluni.



Suliffeqarfimmut Kiffartuussivimmit aningaasatigut naliliineq

Sermersooq Businessip suliaq tapersorsorpaa, imalu oqaaaseqaateqarluni: Sanaartortut ujaqkerivissaqarsinnaanissaa pingaartippaat, taamaangippammi betoniliortoqarsinnaanilu sanaartornermi atortussaliortoqarsinnaanaviangilaq. Mittarfiup eqqaaniinnera aamma siunissaq ungasinnerusooq eqqarsaatigalugu kommune nutaanik inuussutissarsiorfilorsinnaassaaq, tamakkumi ugartorneqarluartuupput.

Inatsisitigut tunngavissaq allakkallu tunngaviusumik uppersaatitallit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusooq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat akuersissutigineqarpoq.

Ilanngussaq

1. Siunnersuut 3E5-5 Nuuk Airport
2. Aalajangersakkat pioreersut: <https://kp.sermersooq.gl/aalajangersaanermut-tunngassuteqartoq/inogarfii/nuuk/3e5-gl/>

Punkt 19: Kommunimut pilersaarummut tapiliussassatut siunnersuut 4E5-2 Isuliffik Killeq, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut, 4E5-2 Isuliffik Killeq, Nuuk

Kommunimut pilersaarummut tapiliussassatut siunnersuut 4E5-2 Isuliffik Killeq, Nuuk

Aalajangiiffigisassaq

SagsID.: EMN-2022-01500

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4E5-2 Isuliffik Killeq tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliamik saqqummiussineq

Sanarfinermut Avatangiisinullu Ingerlatsiviup kommunimi pilersaarummut tapiliussatut siunnersuut 4E5-2 Isuliffik Killeq, Qingutsinniitq, Nuuk, matumuuna saqqummiuppa. Immikkoortup ilaa inuussutissarsiteqarfiup Naternap/ Isuliffiup aamma inissialiorfiusussap Pinnguaqqap akornanni inissisimavoq. Sumiiffiit tamarmik ineriartortinneqarput.

Siunnersuummi siunertaavoq E-sumiiffiup pioreersup tamanit atorineqarnissaanut aalajangiinissaq, teknikkimut atortunut aammalu atortulersuutit pisariaqartut, pilersuinermi suliffeqarfiit aamma sullissinermi atortulersuutit.

Immikkoortup ilaa immikkuualuttunut marlunnut agguataagaavoq:

Immikkuualuttoq 1 kiassaateqarfiup pioreersup inissisimaffia. Siunertamut tassunga alliliinissaq periarfissiissutigineqarpoq. Immikkuualuttoq 2-mi paasissutissanut sullissivimmik tassungalu attuumassuteqartumik atuuffilinnik pilersitsisoqarsinnaavoq. Immikkuualuttuni marluusuni sanaartukkat tallissutaannik nappaasoqarsinnaavoq, ataatsimik quleriilimmik, qulisaqartinnissaanik periarfissiilluni, portunerpaaffissaa 10 m.

Sanaartukkat silataat Nuffit tungaanut aniinganeqartillugit, atortut taarseraattumik, igalaarsuartaqarlutik imaluunniit eqqumiitsuliatut isikkulimmik iluseqartillugit sananeqassallutik. Sanaartornermut atatillugu nipiliortitsinerit, Isuliffiup tungaani sanaartukkanut samminngitsumi inissinneqassapput.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

Matumani Kommunimut pilersaarummut tapiliussassatut siunnersuutip 4E5-2 akuersissutigineqarneratigut 4E5-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/4 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat akuersissutigineqarpoq.

Ilangussat

1. Kommunimut pilersaarummut tapiliussatut siunnersuut, 4E5-2 Isuliffik Killeq, Nuuk
2. Aalajangersakkat pioreersut: <https://kp.sermersooq.gl/aalajangersaanermut-tunngassuteqartoq/inoqarfiit/nuuk/4e5-gl/>

Punkt 20: Nuummi kalaaliaratoqqamik (B-3875) tunisineq

Beslutning

Inassuteqaat amerlanerussuteqartunit IA, N aammalu S akuersissutigineqarpoq.

Demokraatit inassuteqaat itigartitsissutigaa.

Bilag

Konto 73-00-61-imut oqimaaqatigiissitsinerup anillatsinneqarnera

Illumik tuniniaasartumit nioqquteqarnermi naliliineq

Immikkoortoq 1C8-6-imut kommunimut pilersaarummut tapiliussaq

Nuummi kalaaliaratoqqamik (B-3875) tunisineq

Aalajangiiffigisassaq

SagsID.: EMN-2022-02310

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Nuummi kalaaliaratoqqamik (B-3875) tamanut saqqummiussinikkut piffissamik killilerlugu neqerooruteqartitsinikkut tuniniarneqarnissaa akuersissutigineqassasoq, kingornalu qaffasinnerpaamik neqerooruteqartumut tunineqarnissaa naatsorsuutigineqarpoq
- illumut neqeroorutigineqartupt akuersissutigineqarnissaanut itigartitsissutigineqarnissaannulluunniit pisortaqatigiit piginnaatinnegassasut
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Nuutoqqami 2020-mi kalaaliaraq nutaaq atoqqaarfissiortinneqarneraniit illu B-3875 illoqarfiup qeqqaniittoq kalaalimineerniarfittut atorunnaarpoq. Piffissap ilaani illu COVID-19-imut atatillugu misissuivittut atorineqarpoq, taamatullu maanna atorineqarpoq. Peqqinnissaqarfimmik isumaqatigiissut malillugu 2022-mi apriliip aallaqqaataata tungaanut misissuivittut atorineqassaaq, kingornalu illu atorineqarunnaassaaq.

B-3875 tamakkiisumik katillugit 270 kvm. angissussuseqarpoq, 2010-milu atulerluni. Illu kalaalimineerniarfissatut atorineqartussatut sanaqqaarneqarpoq. Iluatsinnerali killeqarsimavoq, aalisartut piniartullu Nuutoqqami kalaaliaqqami tuniniaanissaq orniginartinnerusimammassuk. Illu kalaaliminernik tuniniaasarfissatut atorineqarnissaa siunertaasimammatt immikkut ittumik aqqissuunneqarsimavoq, tamannalu pillugu, allaffeqarfimmit nalilerneqarpoq, kommunip iluani siunissami naleqquttumut atorineqarnissaanut periarfissaqanngilaq.

2010 illup sananeqarnera katillugit 11.423.000 koruuninik akeqarpoq (ilanngussaq 1), taamaalillunilu kvadratmeterimut akeqassalluni 42.300 koruunit miss. Allaffeqarfiup illu Nuummi illunik tuniniaasartumut nalilertippaa. Illumik tuniniaasartup illup maannakkut nioqqutigineqarnissaanut nalinga (Ilanngussaq 2) tassaassasoq 5.750.000 koruunit nalilerpaa. Taamaalilluni kvadratmeterimut akia tassaassaaq 21.300 koruunit miss.

Sanaartorneqarneranut akip maannalu nioqqutigineqarnissaanut akip nikingassutaanut pissutaavoq, tassa atorineqarnissaa tassaammat nerisassanik innuttaasunut tuniniaasarnissaq. Ilanngullugu erseqqissaatigineqassaaq illu aalajangersimasumut siunertamut (kalaalimineerniarfimmik tuniniaasarneq) tunngatillugu sanaartortinneqartoq, tamannalu aamma nioqqutigineqarnissaanut akigititamut sunniuteqaqataalluni, tassa pisisussap illu siunertaaqqaartumut atorunnaarnera siunertamut naatsorsuutigineqarsinnaanngimmat.

Umasunut Nakorsaqarfik Inuussutissasalerinermullu Oqartussaaffeqarfimmit illup aqqissuussaananeranut sakkortuumik piumasaqaateqarnera pillugu sanaartorneqarnera akisummat, tassa atorineqarnissaa tassaammat nerisassanik innuttaasunut tuniniaasarnissaq. Ilanngullugu erseqqissaatigineqassaaq illu aalajangersimasumut siunertamut (kalaalimineerniarfimmik tuniniaasarneq) tunngatillugu sanaartortinneqartoq, tamannalu aamma

nioqqutigineqarnissaanut akigititamut sunniuteqaqataalluni, tassa pisisussap illu siunertaaqqaartumut atorusunneraa siumoortumik naatsorsuutigineqarsinnaanngimmat.

Illu immikkoortup ilaani 1C8-miippoq, tassungalu tunngatillugu kommunimut pilersaarummut tapiliussami 1C8-6 malillugu sukumiisumik aalajangersagaqarluni (llanngussaq 3 aamma llanngussaq 4). Immikkoortoq qitiusoqarfittut, siunertanut ataatsimoortunut tassa ulluinnarni atugassanik niuertarfeqarfinnut, namminersorlutik inuussutissarsiortunut, kiffartuussinermik inuussutissarsiutilinnut il.il. atugassanngortinneqarnikuuvoq. . Kommunimut pilersaarummut tapiliussami aalajangiunneqarpoq, immikkoortoq uummaarissutut ornikkuminartutullu pisuttuarterfissatut ineriartortinneqassasoq. Tassa imaappoq, *immikkoortup ilaani ini alleq taamaallaat pisiniarfinnut neriniartarfinnullu kiisalu taakkununnga atasunik quersuarnut atorneqarsinnaasut (§8.9), aamma inissiat taamaallaat illuni quleriit aappaanniit qummut sanaatorneqarsinnaasut. Ini alleq quleriinni siullertut isigineqarpoq (§8.10).*

Illu Nuummi illoqarfiup qeqqani inissisimammat kommunillu iluani naleqquttumik atorneqarnissaanut periarfissaqanngimmat, illup tuniniarneqarnissaa innersuussutigineqassasoq nalilerneqarpoq, tassa illu atorneqarani uninngaannannginniassammat kiisalu illu nutaamik piginnittoqalerneratigut ornikkuminartutut atorneqarniassammat.

Illu tamanut neqerooruteqarnikkut tuniniarneqarnissaa eqqarsaatigineqarpoq, matumani qaffasinnerpaamik neqerooruteqartumut tunineqassalluni, tassungalu atatillugu tuniniaanermi saqqummiussami ullulernerqassaaq nalunaaqutarlu killissarititaasoq ilanngunneqarluni, tassa kingusinnerpaamik qaqugu neqeroorut kommunimut tunniunneqarnissaanut tunngatillugu. Tamanna tunngavigalugu tuniniaanermut saqqummiussami illu aalajangersimasumik nalilittut neqeroortitsissutigineqassanngilaq. Matumani neqerooruteqartut akornanni unammillernerup annertunerunissaanik naatsorsuuteqarneq pissutaavoq, tassa neqeroorutaasut aningaasartaasa iluaqutaanissaat naatsorsuutaammat.

Illumik pigisamik tunisassamik neqerooruteqartitsinikkut illumik tuniniaasartup naliliineranit (llanngussaq 2) appasinnerusumik neqerooruteqartoqarsinnaanera pillugu, kommunimi pisortaqaatigiit illumut neqeroorutaasut akuersissutiginiissaanut imaluunniit itigartitsissutiginiissaanut piginnaatinneqarnissaat inassutigineqassasoq nalilerneqarpoq.

Ingerlatsivimmit aningaasatigut sulisoqarnikkullu naliliinerit

B-3875-imut innaallagiamut, imermut kiassarnermullu ingerlatsinermut ukiumut aningaasartuutit ukiuni kingullerni pingasuni ima agguataagaapput:

	2019	2020	2021	Agguaqatigiissitsineq
<i>Innaallagjaq</i>	4.203,13 kr.	12.469,48 kr.	10.946,33 kr.	9.206,31 kr.
<i>Imeq</i>	563,43 kr.	2.866,20 kr.	5.591,00 kr.	3.006,88 kr.
<i>Kiassarneq</i>	104,13 kr.	16.550,14 kr.	5.263,09 kr.	7.305,79 kr.
<i>Tamakkerlugit</i>	4.870,69 kr.	31.885,82 kr.	21.800,42 kr.	19.518,98 kr.

Illumik tunisinikkut innaallagiamut, imermut kiassarnermullu aningaasartuutinnaq ukiumut 19.500 koruunit sipaarutaasassasut naatsorsuutaavoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit oqaaseqartitsiniartoqanngilaq.

Inatsisitigut tunngavissaq allakkallu tunngaviusumik uppersaatitallit

- Piginnaatitsinermik agguataarinissamut pilersaarut

Siusinnerusukkut aalajangiinerit

Sanarfinermut Avatangiisinullu Ataatsimiititaq, 07.04.22:

Inassuteqaat akuersissutigineqarpoq.

Ilangussat

1. Konto 73-00-61-imut oqimaaqatigiissitsinerup anillatsinneqarnera
2. Illumik tuniniaasartumit nioqquteqarnermi naliliineq
3. Immikkoortoq 1C8-6-imut kommunimut pilersaarummut tapiliussaq

Punkt 21: Lukket

Punkt 22: Lukket

Punkt 23: Lukket

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 17.30.